



სოლომონ ჭალას ტანიშვილი

საქართველოს

1924 წლის

კმბობეგძ

(გოგონებანი)

გოგონებანი
1956

30 2,20 2015
0 1000000000
0000000000

სოლომონ ჭავჭავაშვილი

საქართველოს

1924 წლის

კმბობები

(გოგონებანი)

80 6666
1956



სოლომონ ჭალასთავიშვილი



ଏ ମୋଗନ୍ଦେବାସ ପୁଷ୍ପଙ୍କନୀ
ହେଠି ଦ୍ୱୀରତ୍ତାସି ମେଘନଥରୀଳ
ଶାପେତ୍ରି ଶର୍ମିଲା
ବ୍ୟାପକୀୟା
ବ୍ୟାପକୀୟା

პოლკოვნიკი სოლომონ (სოლიკო) ზალდასტანიშვილი

1891 — 1941

სოლომონ ზალდასტანიშვილი დაიბადა ქ. სამტრედიაში 1891 წლის 4 დეკემბერს. ის იყო მეორე ვაჟი, სოფელ ქვემო-მაჩხანის (კახეთის) მცხოვრებ ნიკოლოზ ზალდასტანიშვილისა და ანნა ციცაშვილისა. მან დაამთავრა თბილისის რეალური გიმნაზია და პეტროგრადის წმ. ვლადიმერის სამხედრო სასწავლებელი 1913 წ. თავისივე სურვილით ოფიცრის ხარისხით დანიშნულ იქმნა თურქესტანში მერვის პოლკში. აქ, ამ მიყრუებულ მხარეში, მას სურდა აღვილად მომზადებულიყო სამხედრო აკადემიისთვის. მაგრამ 1914 წლის ომის გამოცხადებაზე მისი პოლკი პირველ რიგში იყო გაგზავნილი კავკასიის ფრონტზე. გზაში მისი ბატალიონის უფროსმა ფეხი მოიტეხა და სოლიკოს უცბად ბატალიონის უფროსობა ჩაბარეს. ბრძოლის დროს ის ორჯერ მძიმედ დაჭრეს ორივე ფეხში და ამის გამო გაღიყვანილი იქმნა საავტომობილო გუნდში. 1917 წ. კარგად დაჯილდოვებული სოლიკო ფრონტიდან გაიგზავნა პეტროგრადში სამხედრო აკადემიაში შესასვლელად. მის ჩასვლისას იქ ასტყადა არეულობა და რევოლუცია, ამიტომ მას მოუხდა კავკასიაში უკან დაბრუნება.

სოლიკო 27 წლის პოდ-პოლკოვნიკის ხარისხში აყვანილი (რაც იშვიათი მოვლენა იყო რუსეთის ჯარში) შევიდა 1918 წ. ახლად დაარსებულ ქართულ საავტომობილო გუნდში, სადაც დარჩა 1921 წ. თებერვლიამდე. 1921 წლის თებერვალში რუსეთისაგან დამარცხებული ქართველი ჯარი იდგა ბათუმში და სოლიკოც თავის სამხედრო ნაწილით იქ იმყოფებოდა. მთავრობა სტავრებდა სამშობლოს, მასთან ერთად ნაწილი ითვიცრობაც. შექმნილ პირობებმა სოლიკო აიძულა დაეტოვებინა სამშობლო. მაგრამ დიდ ხანს ვერ გაჩერდა უცხოეთში და 1922 წლის მარიამბის თვეში მიიღო დავალება სტამბოლში ქართველ ეროვ.-დემოკ. ჯგუფისაგან კონს. აფხაზთან — თავმჯდომარესთან ეროვ.-დემოკრატებისა საქართველოში, და დაბრუნდა სამშობლოში. ბათუმში სოლიკო „ჩეკამ“ დაჭირა, როგორც ყოფილი ოფიცერი, და ერთი თვის შემდეგ გადაუწყვიტა გადასახლება. შე-

შთხვევით შის ყოფილ ჯარის-კაცებში გაიგეს შისი ამბავი, შეჯგუფ-დნენ და შეიტანეს საერთო ოხოვნა „ჩეკაში“, რომ მათ ყოფილ პილ კოვნიერისათვის მიეცათ ნება სამშობლოში დარჩენისა. ამ თხოვნაში დიდი შთაბეჭდილება მოახდინა „ჩეკაზე“, გაუწიეს მას ანგარიში და სოლიკოს მისცეს ნება სამშობლოში დარჩენილიყო. ამ დღიდან სოლიკო ჩადგა მებრძოლ ქართველ მამულიშვილთა რიგებში და მათთან ერთად ორი წელიწადი თავგადადებული მუშაობდა ქართველი ხალხის და საქართველოს განთავისუფლებისათვის მოსკოვის ბატონობის უღლიდან.

სოლიკო ჯერ კ. აფხაზთან „სამხედრო ცენტრში“ მუშაობდა. კ. აფხაზის დახვრეტის შემდეგ „დამკომა“ დააარსა სამხედრო კომისია „შემდგარი ორი ეროვ.-დემოკრატიისა და ორი სოც.-დემოკრატიისაგან. „დამკომის“ თავმჯდომარემ სოც.-დემოკრატმა კ. ანდრონიკაშვილმა და მისმა თანაშემწემ ეროვ.-დემოკრატმა იასონ ჯავახიშვილმა სთხოვეს სოლიკოს შესულიყო ამ კომისიაში როგორც ერთ-ერთი პარტიის წარმომადგენელი. მაშინ სოლიკო შევიდა ეროვ.-დემოკ. პარტიაში და გახდა წევრი „სამხედრო კომისიის“ და „დამკომისა“.

როგორც ერთი უშუალო აქტიური მონაწილეთაგანი მომხდარ ქართველი ხალხის საყოველთაო 1924 წ. აჯანყებისა, ს. ზალდასტანიშვილი მიუდგომლად აღწერს ამ ისტორიული ბრძოლის ამბებს თავის მეტად საყურადღებო მოგონებაში.

1924 წლის აგვისტოს აჯანყება დამარცხებით გათავდა. როცა სოლიკო დარწმუნდა რომ შეუძლებელი გახდა შექმნილ პირობებში მუშაობის გაგრძელება, მან მოახერხა შალვა ამირაჯიბთან ერთად ნოემბრიში 1924 წ. გადასულიყო უცხოეთში. მან შეაფარა თავი საფრანგეთში და გაატარა იქ 23 წელიწადი. ის იყო აქტიური წევრი ეროვ.-დემოკრატიულ პარტიისა. მიიღო მონაწილეობა სამხედრო კომისიის (ლ. ცხაკაიასთან) და შევარდენის დაარსებაში საფრანგეთში.

მას მეტად მძიმე პირობებში მოუხდა ცხოვრება ოჯახისა და თავისი თავის შენახვისათვის, მაგრამ მისი სიცოცხლით საცხე, მუდამ შოცინარ სახეზე ჩივილს ვერ ამოიკითხავდით. გულკეთილი, სტუმართ-მოყვარე, ის მუდამ მზად იყო, სადაც ხელი მისწვდებოდა, გაჭირებულ ქართველს დახმარებოდა. მძიმე მუშაობიდან დაბრუნებულს დაღლილ-დაქანცულობა ვერ ერეოდა; პირიქით, ყველას ამხნე-

ვებდა და დარღიანობას უქრობდა. ქაქუცა ჩოლოცაშვილი ეტყოფა ხოლმე,— „ჩემო სოლიკო, სადაც უნდა გადაგაგდოს ცხოვრებამ, ყველა გან და მუდამ „ალჩუზე“ დევებარ“—.

სოლიკოს ასულდგმულებდა უსაზღვრო სიყვარული თავისი ქვეყნისა და ქართველებისადმი განურჩევლად კუთხისა და შეხედულებისა. მას ღრმად ესმოდა თავისი მოვალეობა, როგორც ოჯახის პატრიონის, მეგობრის დამცველს და, განსაკუთრებით, როგორც სამშობლოს მოწინავე შებრძოლ დარაჯისა.

სოლიკო მოუთმენლად ელოდებოდა იმ ღროს, როდესაც კიდევ შესძლებდა ძალმომრე რუსეთის წინააღმდეგ ბრძოლაში მონაწილეობა მიეღო, და, როდესაც რუსეთი თავსდაესხა პატარა ფინეთს, მან სთხოვა საფრანგეთის მთავრობის წარმომადგენელს ნებართვა მოხსლისეთა ჯგუფის შედგენისათვის ფინეთის დასახმარებლად, მაგრამ თხოვნა უშედეგოდ იქმნა დატოვებული.

გერმანიის მიერ რუსეთისათვის ომის გამოცხადებისას, 1941 წელს, ივლისში, შესდგა მოხალისეთა სამხედრო ერთეული „თამარ მეორის“ სახელწოდებით რომ მიშველებოდა სამშობლოს და მისი დამოუკიდებლობისათვის ებრძოლა. სოლიკო ზალდასტანიშვილი შეუერთდა ამ ჯგუფს და რაზმის მიერ არჩეულ იქმნა მეთაურად. ეს რაზმი ღროებით გადაგზავნეს რუმინეთში. იმხანად გერმანელებშა უკრაინის „ოპერაცია“ დაასრულეს და მიეშურებოდნენ კავკასიისაკენ. უკრაინის „საგუბერნატოროდ“ გამოცხადებამ ცხადად დაანახა გერმანიის შეხედულება რუსეთისაგან დაპყრობილი ქვეყნების მიმართ. ქართველი რაზმიც წელში გატყდა. გულ-გატეხილი სოლიკო იწერებოდა,—ებლანდელ ღროში არავითარი პოლიტიკური მუშაობა გერმანიასთან შედეგს არ მოიტანს; უნდა ვეცადოთ, ყოველ მხრივ ფიზიკურად გადავარჩინოთ ხალხი. —რუმინეთში სამხედრო ტყვეთა ბანაკში აღმოჩნდა ხუთასამდე ქართველი, რომლებიც იმყოფებოდნენ საშინელ პირობებში. დიდი ბრძოლის შემდეგ სოლიკოს მისცეს უფლება, რომ მოხალისეთა რაზმის ერთი პატარა ჯეშთი ტყვეთა ბანაკში წაეყვანა ქართველებისათვის საშველად. იქ ის იღებდა ყველა ზომებს, რომ ყველა ქართველი ტყვეები გადაეყანა თავისუფალ მუშაობაზე. მაგრამ გერმანელებს განზრახული ჰქონდათ მხოლოდ 90 აჩეული კაცის გამოყვანა. მაშინ სოლიკომ გამოაცხადა,—ოთხას ქართველს სასიკვ-

დაილოდ ვერ დავტოვებო; თუ ვერაფერი ვუშველე, მეც მათთან და-
ვრჩებიო.— ქართველების უღიძესშა სიყვარულმა მისცა ძალა, რომ
ყველასათვის ეპატრონა, მაგრამ თვითონ მას ვერავინდა უშველა და
ტყვეთა ბანაკში ტვინის ანთება დაემართა

სოლიკი ზაღდასტანიშვილი გარდაიცვალა 1941 წლის 5 დეკემბერს ქალაქ ბუხარესტის სამხედრო საავალმყოფოში. გერმანელებმა დაასაფლავეს პოლკოვნიკის ხარისხის პატივით. მისი ცხედარი, ქართველების თხოვნით, დაკრძალულ იქმნა ქალაქ კრონშტანდში (ბრასოვ).

ასი ქართველისაგან ხელმოწერილი სამდიმრის ღოკუმენტი (1941 წლის 6 დეკემბერი) ასე ახასიათებს განსვენებულს: „საქართველოშ დაპყრობა ჩვენი ეროვნული ინტერესებისათვის თავდაცებული მებრძოლი, სიყრმიდანვე მთელი თავისი არსებით ქართველი ერის მოსიყვარულე და უკანასკნელი ათეული წლების მანძილზე გაწეული ეროვნული განმათავისუფლების ბრძოლის ერთ-ერთი მეთაური.

სოლიკო ზალდასტანიშვილი საქართველოსათვის ცოცხლობდა და
საქართველოსათვის სული დალია.

ତାନାମେଲ୍ଲରଙ୍ଗେ-

ზინასიტყვაობა

საქართველოს დამოუკიდებლობის აღსაღგენად აჯანყება მოხდა 1924 წლის 28 აგვისტოს.

ეს დიდმნიშვნელოვანი ამბავი ახლა წარსულს ეკუთვნის და მისი გახსნება და შეფასება საყურადღებოა არა მხოლოდ პოლიტიკო-სებისათვის, არამედ მისი ისტორიის შესწავლისათვისაც. მე, როგორც მოწმე და აჯანყების აქტიური მონაწილეობაგანი, ვეცდები აღვწერო, თუ როგორ ხდებოდა აჯანყების მომზადება, დაწყება და რამ მიიყვანა აჯანყება დამარცხებამდე, ე. ი. გარკვეული სურათი გადავშალო, თუ რა ხდებოდა მაშინ ჩვენში. მაგრამ სიფრთხილი-სა გამო იძულებული ვარ ჩემს მოგონებებში ზოგიერთი პირები ჯერ კიდევ არ დავასახელო და ამის გამო მომხდარი ამბებიც ალაგ-ალაგ შევამოქლო. ამიტომ მოგონება არ იქნება მთლიანი, მაგრამ ეს არ დაგვიშლის, აჯანყების მთავარ მოძრაობაზე და ვითარებაზე სწორი წარმოდგენა, გაგება და შეფასება ვიქონიოთ; სიმართლის თქმა სიბოროტის ქმნა არ არის. ჩემი მოგონება და შიგ გამოთქმული აზრები არც ერთ პიროვნების წინააღმდეგ არ არის მიმართული.

მე ვეცდები აღვადგინო მაშინდელი ჩვენი ბრძოლის მთავარი მომენტები და პირუთებულად განვიხილო მათი მოქმედება, ვინც ამ აჯანყებაში მთავარ როლს თამაშობდა.

ყველას აქვს უფლება, თავისი პირადი შეხედულება ჰქონდეს აჯანყების რომელიმე ერთ ან ანოდენიმე შემთხვევაზე (ეპიზოდ-ზე), მაგრამ 1924 წლის აჯანყების მთავარ ფაქტებსა და მოვლენებს

ვერ გავექცევით, ე. ი. იმას, რაც ერთნაირად უნდა ვიცოდეთ, გვე-
სმოდეს და ერთნაირად ვაფასებდეთ.

ჩემი მიზანია, ეს გამოვარევიო, რომ ამით გამოჩნდეს, რა იყო
სწორი და რა იყო მცდარი, ან და,—რა არის უდავო და რა დარჩება
საღავო.

სოლომონ ზალდასტანიშვილი.

საფრანგეთი, 1938 წელი.

1783 წლის 24 ივლისს ქ. გიორგიევსკში დაიდო ხელშეკრულება საქართველოსა და რუსეთს შორის, რომელიც ავალებდა რუსეთს, დაეცვა საქართველო გარეშე მტრებისაგან.

1795 წელს კრწანისის ბრძოლაში რუსეთმა ეს ხელშეკრულება დაარღვია და ამით სპარსეთის შახს აღა-მამადხანს შეძლება მისუა, ქართლ-კახეთი აეკლო. რუსეთმა ისარგებლა შექმნილი მდგომარეობით, — დაეპატრონა დასუსტებულ საქართველოს და ხელში ჩაიგდო ქართლ-კახეთის მმართველობა.

მეფე გიორგი მეთორმეტის სიკვდილის შემდეგ თავაშვებულმა რუსეთმა 1801 წლის 12 ენებისთვეს ძალით გამოაცხადა საქართველო რუსეთის იმპერიის ნაწილად. ამ უსამართლობას ქართველი ხალხი ვერ შეუტიგდა და ზედი-ზედ აჯანყებებით უპასუხა.

1802 წ. რუსეთს აუჯანყდა კახეთი; 1804 წ. კახეთის ერთად ითეთქა დიდმა აჯანყებამ მთიულეთში; 1812 წ. მათ მიემხრო ქართლის ნაწილიც; 1819-20 წ. დასავლეთ-საქართველოში შეჭრილ რუსულ ჯარს ახლა მთელი იმერეთი აუჯანყდა. ამ წლებში საქართველოს მიწა-წყალი მთლად რუს-ქართველთა შორის შეუწყვეტელი ომების ასპარეზად გადაიქცა. თავად-აზნაურიობა, სამღვდელოება და გლეხობა მხარ-და-მხარ გაათორებით ებრძოდნენ ახალ დამპყრობელებს. მაგრამ ბოლოს დამარცხნენ, რადგანაც ყველა ეს აჯანყებები კუთხურად ხდებოდა და რუსების ჯარი, თუმცა დიდი სიძნელით, ნაწილ-ნაწილად მოერია მემბოხეებს და გაბატონდა საქართველოში.

რაც დრო გადიოდა, ხალხს უფრო და უფრო უძნელდებოდა ცხოვრება რუსულ მძიმე ეკონომიურ-პოლიტიკურ და ადმინისტრატიულ უღელ ქვეშ. ამას დაემატა კიდევ 1829 წლის ბრძანება: ქართველი ხალხი რუსის ჯარში უნდა გასულიყო, ე. ი. „სალდათობა“ შემოელო. ამ ბრძანებამ მთელი ერი ერთნაირად ააღელვა. მისმა გამოსვლამ უკვე ორგანიზაციული სახე მიიღო, მხოლოდ გამოუცდელმა ხელმძღვანელებმა ვერ ისარგებლეს ამ უკმაყოფილობით: მათ შეეძლოთ ეს მოძრაობა დიდ ეროვნულ - პოლიტიკურ მიზნი-სათვის გამოეყენებინათ და აჯანყების დროშაზე რუსეთის გარეკა

დაეწერათ; მათ კი თავიანთ დროშებს მეორე ხარისხოვანი მიზანი
წააწერეს: „რუსს სალღათს არ მივცემთ“—ო. აჯანყებამ მასიური ხა-
სიათი მიიღო, რაღანაც გამოვიდა თბილისი, გორი, კავთის-ხევი,
თელავი, სიღნალი და ბორჩალო. ამავე დროს გურიაში, სოფ. კინ-
ტრიშის ციხეში, დედოფალი სოფიო იბრძოდა რუსების წინააღმ-
დევ. მას მხარს უჭერდნენ ალექსანდრე და ვახტანგ ბატონიშვილები.
საერთაშორისო მდგომარეობა აჯანყებას ხელს უწყობდა, ამიტომ
რუსებმა ჩვეულ ხრის მიმართეს: ისრგებლეს ქართველების ამ მო-
11. რუსებს გაუძნელდათ ქართველებთან ბრძოლა. როგორც მუდამ,
ძრაობის სულისკვეთებით და ხელმძღვანელების გულუბრყვილო
შეცდომით: ქართველების ჯარში გაყვანა გააუქმეს და წყვანილი
ჯარისკაცები დააბრუნეს; ამით ხალხი ადვილად დაკმაყოფილეს
და დამშვიდეს.

გარეგნულად ეს იყო ქართველი ხალხის ერთგვარი გამარჯვება,
მაგრამ სინამდვილეში ეს იყო დიდი დამარცხება, რაღანაც რუსე-
თი კვლავ ბატონად დარჩა საქართველოში.

1832 წელს შეთქმულებას ხელმძღვანელობდნენ რუსეთიდგან
ბატონიშვილები: დიმიტრი და ოქროპირი. მოძრაობაში გაერთდა
გლეხი, მღვდელი, მემამულე, ვაჭარი და მოქალაქე. შეიქმნა საერთო
სამოქალაქო ორგანო; მიზანიც სწორი დაისახეს, — რუსეთის გან-
დევნა საქართველოდგან. აჯანყებისათვის გამოსვლის გეგმაც ჰქონ-
დათ დამუშავებული. სამწუხაროდ, სამოქმედო ორგანო მრავალ-
რიცხოვნ წრეს წარმოადგენდა და, აგრეთვე, ისეთი პირები იღებ-
დნენ მონაწილეობას, რომლებსაც მოქმედებაში გამდედაობა აკლ-
დათ. მათი გავლენის წყალობით გამოსვლის დღე რამდენჯერმე გა-
დაიღო. ამას მოჰყევა გამცემლობა და შურობა. 1832 წლის შემოდ-
გომის მიწურულში შეთქმულთა მოქმედება გამოაშეარავდა. მეთა-
ურები დაიჭირეს და რუსეთში გადაასახლეს. კარგად დაწყებული
შეთქმულობა უმოქმედოდ დამთავრდა, რაღანაც აჯანყებას ხელ-
შძვანელობდა დიდი ორგანო, რომელიც საკითხების გაღაწყვეტას
დიდ ღრის ანდომებდა.

აჯანყების დაწყებას თავისი დრო აქვს. მისი ხელიდგან გაშვება
დამარცხებას უდრის.

ამ აჯანყებებიდგან შემდეგი დასკვნები შეგვიძლიან გამოვიტა: საქართველოს მომავალი:

1. გამოსვლა მთელ საქართველოში ერთობ უნდა მომხდარიყო.
2. მეთაური ორგანო უნდა ყოფილიყო ვიწრო, მოძრავი, აქტიური და გაბედული ზომების მომხრე. პასიურ და მერყევ პირებს მომქმედ წრეში ადგილი არ უნდა ჰქონდათ.

დაიწყო ქართველი ხალხის გაღაგვარება, — გარუსების ცდები. მართალია, რუსის ბატონობას ჯერ კიდევ ვერ ინელებდნენ საქართველოში, მაგრამ ბევრნი რუსის ერთგულ ქვეშემდგომებად გადაცემნენ. ამას ხელს უწყობდა ჯერ არ დავიწყებული სპარს-ოსმალოს მცერ საქართველოს მუღმივი დარბევა, რომელმაც უკვე კაი ხანია ქართველ ხალხში გააჩინა რუსეთის მომხრე წრეები და მეთაურები. ამ გვარად რუსმა თავისი ცდა თითქოს გაიტანა და მეოცე საუკუნის დასაწყისში საქართველოში მას ჰყავდა არა მცირე რიცხოვანი მოძრეები თავადაზნაურობაში, მოხელეებში და მხედრობაში. ამათ გვერდით შეიქმნა რევოლუციური მუშათა კლასი და ინტელიგენცია, რუსული კუსოპოლიტ-ინტერნაციონალური პარტიები — რუსული ნილილისტური დოქტრინებით და ფილოსოფიით გატაცებულნი.

2.

პირველი მსოფლიო ომის დროს, 1915 წელს, საზღვარგარეთ საქართველოს განმათავისუფლებელი კომიტეტის ცდილობით და გერმანელების დახმარებით, შესდგა პატარა ლეგიონი ლეო კერესელიძის მეთაურობით, რომელიც ისმალეთის ფრონტიდან ებრძოდა რუსებს. მაგრამ ომის გათავებით მათი მუშაობაც შესწყდა. მეფეთა რუსეთის იმპერია დაინგრა, საქართველოში ქართველმა ხალხმა 1918 წლის 26 მაისს რუსეთისავან დამოუკიდებლობა გამოაცხადა. ახალმა ქართულმა მთავრობამ რუსეთთან საზაფო მორიგებისათვის მოლაპარაკება დაიწყო. 1920 წლის 7 მაისს საბჭოთა რუსეთის მთავრობამ იცნო საქართველოს დამოუკიდებლობა და დასდო მასთან ხალშეკრულობა დაარღვია და საქართველოს თავს დაესხა.



ამ ხანაშიც ქართველი ხალხის ნაწილ ფენებში ჯერ არ გამჭრალიყო რუსოფილური ტენდენციები და რუსთან შეტაკებაში მისმა ხელ-მძღვანელმა წრეებმა ლირსეული ბრძოლა ვერ აწარმოეს.

ბოლშევიკურ რუსეთთან ბრძოლამ ერთ თვემდე გასტანა, მაგრამ უნაყოფოდ. მარტის მიწურულში რუსეთმა მთელი საქართველო დაიძყრო. ქართველმა ხალხმა, როგორც მე-19-ე საუკუნის დასაწყისში, ვერ აიტანა რუსების ბატონობა და იარალით ხელში ხელისუფლების წინააღმდეგ გამოვიდა. მისი მიზანი იყო რუსებისაგან საქართველოს განთავისუფლება. ამ ბრძოლების შინაარსს მშვენივრად ასაბუთებს სასამართლოში გასამართლების დროს ეროვნულ-დემოკრატი, „დამოუკიდებლობის კომიტეტის“ წევრი, იასონ ჯავახიშვილი (პროცესის ოქმი 1925 წლის 31 ივლისისა): ... „რუსეთ-საქართველოს ომს შემდეგ, 1921 წელს, საქართველოში ხელისუფლების სათავეში ჩადგნენ ქართველი ბოლშევიკები. მოსალოდნელი იყო, რომ ხელისუფლება შეეცდებოდა თავისი ფრთხილი პოლოტიკით დაევიწყებინა ქართველი ერისათვის ახალი ხელისუფლების წარმოშობის მომენტი. მართლაც, ხელისუფლებამ განაცხადა, რომ საქართველოში მოხდა მხოლოდ ძალაუფლების შეცვლა: ბურჟუაზიის მაგიერქვენის სათავეში ჩადგნენ ქართველი მუშები და გლეხები, საქართველოს დამოუკიდებლობა კი დარჩა კვლავინდებურადო... რამდენად შეეგუა ამ დეკლარაციის შინაარსს მთავრობის შემდეგი მოქმედება?

ჯერ გააერთიანეს რკინის გზა რუსეთთან; ამას მოჰყვა შემდეგი მოვლენები: გამოიწერეს რუსის მუშები როსტოკიდგან და დააყენეს ქართველი მუშების ადგილას; დაპკეტეს 1500-მდე ქართული ექლესია; შეურაცხყეს საფლავი დავითისა და კონსტანტინესი მოწამეთში, რომელნიც იყვნენ ეროვნული გმირები; ამით შეაგინეს ჩვენი ეროვნული გრძნობა. შემდეგ ჯერი მიდგა საქართველოს ტერიტორიაზე: რუსეთმა დაუთმო ანგორას ბათუმის ოლქის ნაწილები და ართვინი, სომხებს მისცა ბორჩალოს მაზრის ნაწილი, აზერბეიჯანს — ზაქათალის, სიღნალისა და თბილისის მაზრების ნაწილები. ამგარად დედა-აზრი ამ ცვლილებათა, რომელიც მოხდა აქ თებერვლის შემდეგ, ფაქტიურად მდგომარეობს არა ხელისუფლების შე-

ცვლაში (ქართველი მენშევიკებისა ქართველ კომუნისტებზე), საც ჩვენთვის მეორე ხარისხოვანი ხასიათი აქვს, — არამედ საქართველოს დამოუკიდებლობის მოსპობაში. ამ გარემოებამ თვით ქართველი კომუნისტების რიგებში გამოიწვია გაღახრები, ე. წ. „უკლონიზმი“, ქართველი ერი კი აიძულა დასდგომოდა აჯანყების გზას“. ამ განცხადებიდან სხანს, თუ როგორ თან-და-თანობით შეიქმნა მე-ამბოხეთა მოძრაობის ზრდა. ხალხი, შეიძლება, შეპრივებოდა კიდევ რუსების მიერ კომუნისტური ხელისუფლების შექმნას, მხოლოდ იმ პირობით, თუ საქართველოს დამოუკიდებლობას შეინარჩუნებდა. ბოლშევიკურმა ხალისუფლების კი თან-და-თანობით საქართველოს დამოუკიდებლობას ძირი გამოუთხარა და ქართველმა ხალხმა აჯანყებით უპასუხა.

3.

მოძრაობა დაიწყო ჯერ სვანეთში. 1921 წლის ზაფხულში ხალხმა სვანეთი დაიკავა. მართალია, გამარჯვებამ დიდი ხანი ვერ გასტანა, მაგრამ ამ გამოსვლამ მთელი საქართველო გამოაფხიზლა.

1921 წლის შემოდგომას საქართველოში სამოქმედოდ რუსების წინააღმდეგ ყველა პარტიები გაერთიანდნენ და ორგანიზაციული ფორმა მიიღეს. დაარსდა გაერთიანებული ორგანო „დამკომი“ (დამოუკიდებლობის კომიტეტი), რომელშიც შედიოდნენ შემდეგი პოლიტიკური პარტიები: საქართველოს სოციალ-დემოკრატიული პარტია, ეროვნულ-დემოკრატიული პარტია, სოციალ-ფედერალისტური პარტია, სოციალ-რევოლუციონური პარტია და სხიველები. კომიტეტს თავმჯდომარეობდა ნ. ქარცივაძე 1922 წელს, შემდეგში — კ. ანდრონიკაშვილი 1924 წლამდე. ამავე დროს საზღვარგარეთ დაარსდა საერთო კომიტეტი იმავე პოლიტიკური პარტიების შემადგენლობით. მას ევალებოდა დიპლომატიური მუშაობა უცხოეთში. თბილისში დაარსდა კომისიები: 1. წითელი ჯვრისა, 2. ფინანსიური, 3. სარედაქციო და 4. სამხედრო. ამათ ევალებოდათ, თავიანთ დარგში მუშაობა და ორგანიზაციულად ჩამოყალიბება. აჯანყებისათვის ხალხის დარაზმვა ორი მხრივ სწარმოებდა: 1. პოლიტიკური პარტიების ორგანიზაციების აღდგენას აწარმოებდა „დამკომში“ შესული



პარტიების წარმომადგენლები. 2. ქართველი ხალხის მხედრულად და კულტურულად და აჯანყებისათვის მომზადებას ასრულებდა სამხედრო ცენტრი, რომელიც ჩამოყალიბდა 1922 წლის მარტში შემდეგი შემადგენლობით: თავმჯდომარე გენ. კ. აფხაზი; წევრები: გენერალური შტაბის გენერალი ალ. ანდრონიკაშვილი, გენ. ვარ. წულუკიძე, პოლკ. გოგი ხიმშაველი და პოლკ. როსტომ მუსხელიშვილი (ქართული მეორე დივიზიის შტაბის უფროსი). პარტიზანული რაზმის უფროსად დაინიშნა კახეთში პოლკ. ქაიხოსრო ჩოლოვაშვილი. (ეროვნულ-დემოკრატიული პარტიის წარმომადგენელი). ქართლში — მიხ. ლაშქარაშვილი.

აჯანყების გეგმა იყო შემდეგი: პირველი და მთავარი გამოსვლა უნდა მოეხდინა ქაქუცა ჩოლოვაშვილს დუშეთში. როცა თბილისი-დან მის წინააღმდეგ გაგზავნილი რუსული ჯარი მას ბრძოლაში ჩაებმებოდა, მცხეთის მხრივ მ. ლაშქარაშვილი თავისი რაზმით ზურგში დაარტყამდა. ამით მტრის რიგებში მოახდენდნენ არეულობას და შეერთებული რაზმებით ქაქუცას მეთაურობით თბილის მოაღებოდნენ. ამავე დროს აჯანყება უნდა მომხდარიყო გურიაში, სამეგრელოში, სვანეთში, ქართლში და კახეთში.

1922 წლის ზაფხულში ხალხში უქმაყოფილება გაძლიერდა. აქაიჯ პატარა გამოსვლებიც მოხდა. ზოგი პროვინციები საერთო გამოსვლის დაწყებას თხოულობდნენ. ქაქუცას, რომელიც გასული იყო თავისი რაზმით ტყეში და სამხედრო ცენტრიდან განკარგულებას ელოდდა, ხევსურები ძალას ატანდნენ და თხოულობდნენ რუსებთან ბრძოლა დაეწყო. ისინი ქაქუცას უთვლიდნენ: „რუსების სიმხეცეს ვეღარ ვიტანთ, — წაბილწეს სოფლები, დაანგრიეს ოჯახები. გაგვიძეს და მტერს შევუტიოთ!“ — ი. იმის შიშით, რომ ხალხი თავისითავად არ გამოსულიყო და ამით საერთო გამოსვლისათვის არ ევნო, ქაქუცა კახეთიდან მთიულეთში გადავიდა. ამავე დროს კახეთიდან ჩამოვიდა ეროვნულ-დემოკრატიული პარტიის წარმომადგენელი გიორგი წინამძღვრიშვილი, რომელმაც ეროვნულ-დემოკრატიულ კომიტეტში საქმეთა ვითარების შესახებ მოხსენება გააკეთა. მან ვანაცხადა, — ქაქუცას ირგვლივ უქმაყოფილო ხალხი თავს იყრის და შესაძლოა ახლო მომავალში მოქმედებამაც იგრიალოსო. ეროვნულ-დემოკრატიული პარტია პრინციპში წინააღმდეგი იყო ნააღრევად გამოსვლისა,

მაგრამ თუ გამოსვლები უნებურად მაინც დაიწყებოდა, პარტია მხარს დაუჭერდა. პარტიამ დაავალა იასონ ჯავახიშვილს, ეს დადგენილება გადაეცა „დამკომისათვის“, სადაც ის იყო ეროვ.-დემოკრატ. პარტიის წარმოშადგენელად. მასთან ერთად პარტია სთხოვდა „დამკომს“, რომ მოძრაობას სათავეში „სამხედრო ცენტრი“ ჩასდგომოდა. „დამკომშა“ არ გაიზიარა ნაადრევი გამოსვლებში მონაწილეობის მიღება და „სამხედრო ცენტრსაც“ არ მისცა უფლება ასეთ მოძრაობისათვის ეხელმძღვანელა. ამის გამო ეროვ.-დემ. პარტიაში დადგა საკითხი სეპარატიული გამოსვლებისა. ამას მხარი დაუჭირეს ეროვ.-დემ. პარტიის ცენტრის წევრებმა: პარტიის თავმჯდომარებ გენ. ქ. აფხაზ-მა, პოლკ. დ. ვაჩინაძემ, გიორგი წინამძღვრიშვილმა და ექიმმა გ. იშ-ხნელმა. ესენი ისაბუთებდნენ იმას, რომ რაკი არ ხერხდება ხალხის სტიქიური გამოსვლის შექრება, საჭიროა მისი დაუყონებლივი გამოყენება და გაფართოვება, სანამ რუსის ძალები საქართველო-კავკასიაში ჯერკიდევ მომაგრებულნი არ არიან. წინააღმდევ იყო იას. ჯავახიშვილი, რომლის აზრითაც სეპარატიული გამოსვლა დაანაწილებდა ქართულ ძალებს და ამით ზიანს მიაყენებდა საერთო ეროვნულ მოქმედებას. აჯანყება მიზანშეწონილად მიაჩნდა მას იმ შემთხვევაში, თუ ყველა პოლიტიკური პარტიები გაიზიარებდნენ და მოქმედების ხელმძღვნელობაც „დამკომის“ ხელში იქნებოდა. სამოლონდ პარტიამ იას. ჯავახიშვილის შეხედულება გაიზიარა და დაადგინდა: მიღებულ იქმნეს ყველა ზომები, რომ ნაადრევი გამოსვლები არ-სად არ მოხდეს. ეს დადგენილება პარტიამ ყველა პროექციებს აცნობა.

4.

1922 წლის აგვისტოში აჯანყება მაინც მოხდა. გამოვიდა კახეთი და ხევსურეთი. მოძრაობას ქაქუცა ჩოლოყაშვილი ჩაუდგა სათავეში. მექმბოხეებმა ღუშეთის მიღმოებში მოიყარეს თავი. რუსებმა თბილისიდან აჯანყებულების წინააღმდევ რამდენიმე ათასეული ჯარისა გაგზავნეს და შტაბის უფროსად პოლკ. როს. მუსხელიშვილი („დამკომის“ სამხედრო წევრი) დანიშნეს. როდესაც „დამკომის“ სამხედრო ცენტრმა ეს ამბავი გაიგო, მოითხოვა რომ „დამკომი“ ჩასდგომოდა

სათავეში ამ შოძრაობას. პირადად პოლკ. რ. მუსხელიშვილმა ექიმი კოწია არღიშვილის საშუალებით ინახულა სოც.-დემ. პარტიის წარმომადგენელი ექიმი იას. ცინცაძე და კატეგორიულად მოსთხოვა, რომ სოც.-დემ. რაზმები დუშეთის მიდამოებში მის განკარგულებაში გადაეცათ. ექ. ცინცაძე საბოლოო პასუხი ვერ მისცა და საკითხი თავი-ანთ წრეში დასვა. სოც.-დემ. პარტიამ უარპყო ნააღრევ მოძრაობაში მონაწილეობის მიღება და ეს შეხედულება თავიანთ რაზმელებს შეატყობინა. დუშეთში მიხლოვებული რაზმები შ. ფალავანდიშვილისა და მ. ლაშქარაშვილისა როტმისტრი ბაგრატიონ-მუხრანელის მეთაურობით, დაიშალნენ და სახლში დაბრუნდნენ. ამის გამო პოლკ. რ. მუსხელიშვილმა თავისი გეგმის შესრულება ვერ მოახერხა და იძულებული გახდა რუსების ჯარით იერიშით მისულიყო ქაქუცას წინააღმდეგ. ქაქუცა მტერს მაგრად დაუხვდა: პირველ შეტევაზე დიდი ზარალიც მიყენა. რუსებმა მცხეთისაკენ დაიხიეს. ძალების სიმცირის გამო ქაქუცა იძულებული იყო დევნა შეეჩერებინა. ძველ პოზიციაზე დაბრუნდა და აქ გამავრდა. რუსებმა თბილისიდან დამხმარე ძალები მიიღეს და ხელმეორედ შეტაკებაზე გადავიდნენ, დაამარცხეს ჩოლო-ყაშვილი და მის რაზმს რკალი შემოარტყეს. ქაქუცამ ბრძოლით რკალი გაარღვია და კახეთისაკენ დაიხია. რუსები ხევსურეთში შევიდნენ და სოფლები გაანადგურეს. თბილისში ამ გამოსვლის გამო დაჭერა და დახვრეტა დაიწყეს. დახვრეტილ იქმნენ: როტმისტრი ს. ანდრონიკაშვილი, ლეიტ. სუმბათაშვილი ძმით, ლეიტ. კ. ჩოლოყაშვილი, ლეიტ. არჩილ ვაჩნაძე, აგრონომი ვახტანგ აბაშიძე, სიღნალის სოც.-დემ. პარტიის წარმომადგენელი ს. გელაშვილი.

5.

კახეთ-ხევსურეთის აჯანყებამ ოსმალეთის მთავრობაში ლაპარაკი გამოიწვია. იმ დროს სტამბოლში იმყოფებოდა ეროვ.-დემოკ. მთავრი კომიტეტის წევრი შალვა ქარუმიძე, რომელმაც ისარგებლა საქართველოში შექმნილ მდგომარეობით და მოლაპარაკება დაიწყო ოსმალეთის მთავრობის ერთ წევრთან. მოლაპარაკების დროს სჩანდა, რომ ოსმალები თანახმანი იქნებოდნენ ჯარით და იარაღით

- დაწმარებოლნენ აჯანყებულებს რუსეთის წინააღმდეგ იმ შემთხვევაში, თუ ქართველები დათანხმდებოლნენ შემდეგ პირობებზე;
1. ბათუმი თავისუფალ ქალაქად გამოეცხადებინათ;
 2. ახალციხის, ახალქალაქის მაზრები ოსმალეთისათვის საკუთრებად გადაეცათ;
 3. ბათუმ-ბაქოს ლიანდაგი ექსტერიტორიულად გამოეცხადებინათ; და სხვა.

შალვა ქარუმიძემ ოსმალეთის პირობები მიუღებლად ჩასთვალა, მაგრამ ვალდებულად სცნო ეს მოლაპარაკება თბილისში პარტიის მთავარ კომიტეტისათვის ეცნობინებინა. ამ დავალებით 1922 წლის ენერისთვეში მე გამგზავნეს სტამბოლიდან საქართველოში. პარტიის თავმჯდომარესთან, გენ. კ. აჭხაზთან, შეხვედრა მქონდა „მწყემსის“ საზოგადოებაში. როდესაც ოსმალეთის პირობები გავაცნი, მან ის კატეგორიულად უარჲყო: „ქართველი ხალხისათვის ამნაირი პირობების შესრულება მიუღებელია, ამიტომ რუსეთის წინააღმდეგ ბრძოლაში ჩვენ ჯერ-ჯერობით საკუთარ ძალებზედ დავეყრდნობით. თუ თურქები საქართველოს დამოუკიდებლობას აფასებენ და მეგობრობა ჰსურთ, მათ დღეს უპირობიდ უნდა გაგვიწიონ დახმარება.“ ამავე შეხედულებით უარჲყო ოსმალების წინადაღება მთელმა პარტიამ. ეს აზრი აცნობეს სამზღვარგარეთის კომიტეტსაც.

6.

კახეთ-ხევსურეთის აჯანყების შემდეგ საქართველოში რამდენიმე თვე სიჩუმე ჩამოვარდა. თითქმის იმავე დროს, როცა მე თბილისში ჩავდი, ნ. ხომერიკიც საზღვარგარეთიდან იქ ჩამოვიდა და თავიანთ წრეში მუშაობა გაახალისა. 1923 წლის იანვარში უკვე ყველა პარტიელებმა ხელახლად გააჩიდეს მუშაობა და მთელ საქართველოში მას მისცეს ორგანიზაციული ხასიათი. თბილისში „დამკომი“ და სამხედრო ცენტრი გახდა მეამბოხეთა მთავარ ორგანოდ როგორც თბილისში, აგრეთვე პატარა ქალაქებში და სოფლებში. დააარსეს გაერთიანებული ორგანოები, სადაც დანიშნულები იყვნენ „დამკომის“

და სამხედრო ცენტრის წარმომადგენლები. 1923 წლის იანვრის პირ-
ველ რიცხვებში ეროვნ.-დემოკრ. პარტიის დავალებით ვინახულე
ქაქუცა, გავაცანი საერთაშორისო მდგომარეობა, „დამკომისა“ და
სამხედრო ცენტრის მუშაობა; აღვინიშნეთ სუსტი მხარეები კახეთ-
ხევსურეთის გამოსვლისა.

ამ დღიდან ქაქუცა ჩოლოყაშვილი თავისი რაზმით ჩვენი პარტი-
ის რჩევითა და საშუალებით გადავიდა „დამკომის“ განკარგულება-
ში. მან პირობა მოგვცა, რომ ის გამოსვლას მხოლოდ „დამკომის“
დასტურით მოახდენდა. მართალი უნდა ითქვას, რომ მთელ ორი
წლის განმავლობაში ეს პირობა მის მიერ არ დარღვეულა. ადგილ-
საც რომ იცვლიდა, ამასაც კი სამხედრო კომისიის შეთანხმებით ახ-
დენდა. იარაღზე, ტანსაცმელზე და ფულზე ზრუნვაც (რამდენადაც
შესაძლებელი იყო) სამხედრო კომისიას უხდებოდა. ფულის მხრივ
„დამკომი“ მუდამ ღარიბი იყო და ამიტომაც ქაქუცა და სხვა რაზმე-
ბიც დიდ გაჭირვებას განიცდიდნენ.

7.

ხელისუფლება დიდხანს ეძებდა კახეთ-ხევსურეთის აჯანყების
ხელმძღვანელებს. 1923 წლის თებერვალში ეროვნ.-დემოკ. პარტი-
ის სტუდენტთა კომიტეტის წევრმა კ. მისაბიშვილმა გასცა მთელი
შემადგენლობა სამხედრო ცენტრისა, დუშეთის ეროვ.-დემოკ. პარტი-
ის წარმომადგენლობა და თანაც გამოაშეარავა პოლკ. რ. მუსხელი-
შვილის როლი. მარტში თითქმის ყველა, ვინც მონაწილეობას იღებ-
და ამ აჯანყებაში დატუსალებულ იქნა. 1923 წლის აპრილში ეროვ-
-დემოკ. სამხედრო კომისიაში დაისცა საკითხი: როგორ მოვიქცეთ იმ
შემთხვევაში, თუ სამხედრო ცენტრის წევრებს გენ. კ. აფხაზის მე-
თაურიობით სიკეთილი გადაუწყვიტეს. გადავწყვიტეთ, განსაკუთრე-
ბული რაზმი შეგვედგინა, რომელიც ღამე დაეცემოდა ჩეკას და ყვე-
ლა დატუსალებულებს გაანთავისუფლებდა. ამ ამოცანის შესრულება
ვიკისრეთ მე და გიორგი წინამდღვრაში მაისის პირველ რიცხ-
ვებში როტმისტრი ვ. ყარანგოზაშვილის მეთაურობით რაზმი დამზა-

დებული იყო და „დამკოშის“ გადაწყვეტის ელოდდა. „დამკოშის“ ყველა არ იზიარებდა ამ ამოცანის შესრულებას. ამასობაში ჩეკამ გა-იგო როტმ. ყარანგოზაშვილის როლი და დასაჭრად ეძებდა. თბილისში მისი დარჩენა შეუძლებელი გახდა და გადაწყვეტეთ, მთელი რაზმი გაგვეგზავნა ქაქუცასთან. ამ არაზმელებისათვის იარაღი საწყობიდან გამოვიტანეთ და ორ სანდო არაზმელს (ს. კვალიაშვილს და ლ. ნაზარაშვილს) ჩავაბარეთ და იმ ღამესვე ქაქუცას კავშირის საშუალებით მასთან დუშეთისაკენ გავისტუმრეთ. როტმ. ყარანგოზაშვილის ერთი არაზმელთაგანი ვინმე შ. კანდელაკი ჩეკიდან მოგზავნილი ყოფილიყო და ყველა ცნობებს თურმე ჩეკას ატყობინებდა. სანამ ვ. ყარანგოზაშვილი თბილისში იმყოფებოდა, საიდუმლოს იცავდა, და მის არაზმელებმა არაფერი იცოდნენ, ვისთან პერინდა მას დამოკიდებულება. მაგრამ, ქაქუცასთან რომ წავიდა, იქ საიდუმლოების დაცვა დაავიწყდა და გულახდილად უამბო თავისი თავგადასავალი, ჩვენი გვარებიც არ დამალა. ის იმ ღამესვე თელავში გაიპარა და იქიდან ტელეფონით ჩეკას ცნობები გადასცა. ჩეკამ იმავე დღეს უდანაშაულო ჩემი ძმები და მათთან ბევრი სხვა დააპატიმრა. თვით ვ. ყარანგოზაშვილს პარტიზანული ბრძოლა გაუძნელდა და იძულებული ხდებოდა ხშირად ქაქუცას რაზმელებს ჩამოკურებოდა. შემოდგომას ქაქუცა მთიელებთან მიეშურებოდა, რომ მათ წარმომადგენელებს შეჰვედროდა. ვ. ყარანგოზაშვილი მათ გზაში ჩამორჩა. ქაქუცამ მასთან ს. კვალიაშვილი დასტოვა და სიფრთხილისათვის ურჩია, სოფელზე მოშორებით ევლოთ, ვინაიდგან მთიელებისათვის უცნობნი იყვნენ და ხიფათში ადვილად გაებმებოდნენ. ქაქუცას გაფრთხილება მართალი გამოდგა,—ერთ ადგილს ჩასაფრებულმა თუშებმა მას იარაღის აყრა მოსთხოვეს. ვ. ყარანგოზაშვილი მათ არ დაუმორჩილდა და ატეხილ სროლაში ორივენი მოკლეს.

- 1923 წლის 19 მაისში ჩეკას დადგენილებით დახვრეტილ იქმნენ:
1. ეროვ.-დემოკ. პარტიის თავმჯდომარე გენ. კ. აფხაზი, 2. გენერალური შტაბის წევრი გენ. ა. ანდრონიკაშვილი, 3. გენ. ვარდენ წულუკიძე, 4. პოლკ. რ. მუსხელიშვილი, 5. პოლკ. გ. ხიმშიაშვილი, 6. პოლკ. ელ. გულასაშვილი, 7. პოლკ. ალ. მაჭავარიანი, 8. პოლკ. დიმ. ჩრდილელი, 9. როტმ. სიმ. მუხრან-ბატონიშვილი, 10. როტმ.

- ფ. ყარალაშვილი, 11. ლეიტ. ლ. კლიმიაშვილი, 12. სამხედრო მოხე-
ლე მ. ზანდუქელი, 13. იასონ კერესელიძე, 14. ს. ჭიაბრიშვილი და
15. ივ. ქუთათელაძე.

8.

ეს დანაკლისი ქართველის ხალხში ღრმად გახიცადა. ყველა დასტი-
როდა დაღუპულებს: დიდი, პატარა, ქალი და კაცი. ეს მოხდა სწო-
რედ იმ დროს, როდესაც სრულიად საქართველოს კათოლიკოსი დი-
დიხნის დატუსაღების შემდეგ ციხილან გამოუშვეს. მან გადაწყვიტა,
ქვაშვეთის ეკლესიაში სამი წირვა გადაეხადა. ეს ხმა უცებ მთელ
თბილის მოედო და პირველ კვირას აუარებელი ხალხი დაესწრო
წირვას. გამობრძანდა კათოლიკოსი თუ არა სალოცავიდან, ხალხი
მუხლმოდრეკილი, ქვითინით შეხვდა თავის სულიერ მამას. კათოლი-
კოსი აღელდა, თვალები ცრემლით აევსო, გადმოგვხედა ყველას და
წარმოსთქვა: „ვინა სთქვა, რომ ქართველმა ხალხმა რწმენა დაკარ-
გაო?!” ამ სიტყვის თქმასთან გულიც წაუვიდა. დეკანზემა ცინცაძემ
(შემდეგ კათოლიკოსმა) ხალხში ექიმებს მიჰმართა. იმ წუთშივე რამ-
დენიმე ექიმი მიეუველა და მისი უსამღვდელოესობა გონის მოიყვანა. წირვა მაინც დაასრულა ხალხის ქვითინში. ჩა ევედრებოდა ეს ტან-
ჯული ხალხი ღმერთს და „ჩეკაში“ ფიზიკურად ნაწვალებ, ღონების-
დილ კათოლიკოსს,—ეს უსიტყვოდ მისახვედრია. ქართველ ერს სა-
ნუგეშოდ მხოლოდ ეს სულიერი მეთაური და შერჩა და, როგორც
შვილი, მშობლისაგან ნუგეშს ელოდდა. კათოლიკოსმა მწვავედ ივრ-
ძნო ხალხის განცდა და სათნოებით, ნუგეშით სავსე სიტყვით მოგვ-
მართა, გაგეამხევა, და გულჩათხრობილნი მშვიდობიანად დავიშალე-
ნით. თვითონ კი დაღლილი დაქანცული სიცხიანი დაბრუნდა სახლ-
ში. ამ დღიდან ლოგინად ჩავარდა; დაქანცულმა სხეულმა ავადმყო-
ფობა ვერ დასძლია და მაღე გარდაიცვალა განუსაზღვრელი რწმე-
ნით და სამშობლოსადმი დიდი სიყვარულით. დაობლდა მთლიანად
ქართველი ერი და საქართველოში გაძლიერდა რუსების ფართაშობა.

9.

ამ გარემოებით გამწარებული ხალხი უფრო დიდი ენერგიით შე-
 უდგა მზადებას აჯანყებისათვის. სამხედრო ცენტრის მაგიერად
 „დამკომთან“ დაარსდა „სამხედრო კომისია“, რომლის შემადგენლო-
 ბა იყო შემდეგი: „დამკომის“ თავმჯდომარე სოც.-დემოკ. კ. ანდრო-
 ნიკაშვილი, მისი მოადგილე ეროვ.-დემოკ. იასონ ჯავახიშვილი, სო-
 ციალ.-დემ. გ. ფალავა და ვ. ნოდია, ეროვ.-დემოკ. გიორგი წინამძღვ-
 რიშვილი და მე. გეგმა მოქმედებისა იყო შემდეგი: 1. პოლიტიკურ
 მუშაობას ხალხში აწარმოებდნენ კ. ანდრონიკაშვილი და იას. ჯავა-
 ხიშვილი. 2. მხედრული მუშაობა დაევალა დანარჩენ ოთხს. გ. ფალა-
 ვა და ვ. ნოდია მუშაობდნენ სოც.-დემ. პარტიაში. გ. წინამძღვრიშვი-
 ლი და მე ვმუშაობდით ეროვ.-დემ. პარტიაში და ოფიცირებში. მუშა-
 ობის განმავლობაში ოთხივე ერთმანეთ შორის მუდმივი კავშირი
 გაქონდა. დროგამოშვებით სამხედრო კომისიაც თავს იყრიდა ანგარი-
 შების ჩასაბარებლად და მდგომარეობის გამოსარკვევად. სამხედრო
 კომისია თავის მუშაობის დამთავრებისათანავე აჯანყების საკითხს
 „დამკომში“ სვამდა. 3. გაფართოებული „დამკომი“ პოლიტიკური
 პარტიების თავმჯდომარებთან ერთად პრინციპში სწყვეტდნენ აჯან-
 ყების საკითხს. 4. აჯანყების დროს დანიშნვა კი ევალებოდა გამოსვ-
 ლის წინ დანიშნულ მთავარ-სარდალს და მის შტაბს.

10.

როგორ სწარმოებდა მხედრული მუშაობა?

1923 წლის აპრილში მე და მეორე ეროვ.-დემოკრატმა მოვაწ-
 ყეთ სამხედრო საიდუმლო ყრილობა; გავუკეთეთ მას მოხსენება შე-
 ქმნილ მდგომარეობის შესახებ. კრებას დაესწრნენ ყველა იარაღის წა-
 რმომადგენლები. კრებამ მთლად გაიზიარა ქართველი პოლიტიკური
 პარტიების მიერ მიღებული აჯანყების გეზი. ამ კრებაზე გამოაშეა-
 რავდა, რომ ოფიცირებისათვის ხალხში და ჯარში მუშაობა სახიფათო
 და უნაყოფო იქნებოდა. ამის მიხედვით მოქმედებაც გავარაწილეთ:

ოფიცირების მუშაობას და მათ დარაზმეას თვით ოფიცირები კისრულობდნენ, სამხედრო კომისიას კი ევალებოდა ჯარში მუშაობა. ხალქების დარაზმეა და მათი შეიარაღება, დანიშნულ დროს დარაზმული ხალქის დანაწილება და აჯანყების წინა დღეებში ოფიცირების დაკავშირება ხალხთან. ამავე კრებაზე მიღებულ იქმნა გეგმა აჯანყებისა: მთავარი დარტყმა უნდა მომხდარიყო თბილისზე და ბათუმზე. ამისათვის გეგმის დეტალური დამუშავება სამხედრო-სამოქმედო შტაბს უნდა შეესრულებინა ბოლო დღეებში.

ამ კრებაზე წაკითხულ და მიღებულ იქმნა ფიცის ტექსტი. ეს ფიცი მიღებული ჰქონდა აგრეთვე მთელ ეროვნ-დემ. სტუდენტთა რაზმს და იგივე ფიცი ჩემ მიერ იქმნა გაგზავნილი ქაქუცასთან არატმ. ყარანგოზიშვილის საშუალებით 1923 წლის მაისში, და ამ დღიდან ქაქუცას რაზმი ხდება „შეფიცულთა რაზმი“. სამხედრო კომისიამ მიიღო რა თავისი ამოცანები, შეუდგა მის შესრულებას: რამდენიმე თვის განმავლობაში ქალაქები და სოფლები დაჰყო რაიონებად, ხალხი დააწყო ხუთეულად, ათეულად და ასეულად. აღნიშნა მთავარი პუნქტები, რომლებიც დანიშნულ დღეს უნდა აელოთ, რის აღებაც უდრიდა ქალაქის დაჭერას. დამრტყმელი რაზმის უფროსებს, ე. ი. ოფიცირებს დაევალა თავ-თავიანთ პუნქტების დეტალური შესწავლა და გამორკვევა, თუ რამდენი კაცი დასჭირდებოდა მას თავისი პუნქტების ასაღებად. თბილისი იყო დაყოფილი შემდეგ პუნქტებად: 1. საბურთალო (არტილერიის ყაზარმები), 2. ვაკი—კურსანტები, 3. ფოსტა-ტელეგრაფი, 4. „ჩეკას“ ასაღებად—თოფ-აღებული ხალხი, 5. რკინის გზის არსენალი, ელექტრონის და „ტეესეფის“ სადგურები, 6. ჯავახნოსან-ავტომბილები და ჯავახნოსანი მატარებელი. ყველაზე სუსტად ვიყავით საავიაციო გუნდში. მაიორი სიკო დავითაშვილის სიკვდილის შემდეგ, უმცროსი ოფიცირობა ერიდებოდა მუშაობაში ჩარევას.

ზემომოხსენებული რაზმის გარდა შეი თბილისში ეროვნ.-დემ.ოკ. ორგანიზაცია იძლეოდა 40 ათეულს; ამდენსაც—სოც.-დემორატები. სოც.-ფედერალისტები, სოც.-რევ. და სხვები იძლეოდნენ უფრო ნაკლებს. ამავე სისტემით იყო დამუშავებული და დაწყობილი ყველა პატარა ქალაქები და სოფლები.

მთელი საქართველო დაიყო სამოქმედო რაიონებად რაიონებში დაინიშნა სარდლები და მათი თანაშემწებები. თვითეულ რაიონს გაერთიანებულ პარტიათა ორგანოს წარმომადგენელი („დამკომის“) მეთაურობდა. მას ემორჩილებოდა ამ რაიონის სარდალიც.

1. თელავის მაზრაში რაიონის სამხედრო წარმომადგენელი იყო კაპ. მიხაილოვი (ბერძენი, ქართველი ქვეშევრდომი) და ლეიტ. შ. სიღა-მონ-ერისთავი. გაერთიანებულ ორგანოს მეთაურობდა სოც.-დემ. ფი-რუზა (ფსევდონიმი) და მის თანაშემწედ იყვნენ ეროვ.-დემ. რაზმაძე და მასწავლებელი გიორგი ციცქიშვილი. ამავე მაზრაში იყო შედგე-ნილი განსაკუთრებით ოფიცერთა რაზმი, რომელსაც პოლქ. სოლო მაჭავარიანი მეთაურობდა. მისი თანაშემწებები იყვნენ: კაპ. ირაკლი გამყრელიძე და კაპ. დათა სულხანიშვილი.

2. გურჯაანის რაიონს მეთაურობდა ჯანდიერი.

3. თიანეთში, დუშეთში, კავთის-ხევში, მანგლისში და ბორჩალოში ქაქუცა ნიშნავდა თავის ხალხიდან მეთაურებს და თვითონ ინიშნებო-და სარდლად ამ რაიონში.

4., 5. სიღნაღსა და გორს ჰყავდა აგრეთვე თავისი უფროსები.

6. ქუთაისის რაიონში—პოლქ. ს. წერეთელი და „დამკომის“ წარმო-მადგენელი იყო გიორგი წერეთელი.


7. სვანეთში—პოლქ. გარდაფხაძე და მისი თანაშემწე ეროვ.-დემ. ბიძინა პირველი და ორი ძმა დადიანები.

8. სამეგრელოში ეროვ.-დემ. ორგანიზაციების ხელმძღვანელები იყვნენ: გენ. თოფურია, ნოტარიუსი მიხეილ გვალია, შალვა კალან-დარაშვილი („დამკომის“ რწმუნებული), ფოთის გიმნაზიის დირექ-ტორი სტეფანე გაგუა, როტმ. დავით მხეიძე და სხვა.

9. ქუთაისში სამხედრო ორგანიზაციაში შედიოდნენ პოლქ. მიქელა-ძე, პორუჩ. გ. ჭაჭიაშვილი, ბარათაშვილი და სხვა. ქუთაისში მეთაუ-რობდა ეროვ.-დემ. პარტიის ორგანიზაციას ელისე პატარიძე.

10. გურიაში—გენ. სოლ. ყარალაშვილი, „დამკომის“ წარმომადგე-ნელი ქავთარაძე.

11. ბათუმში—გენ. ფურცელაძე. სამხედრო კომისიის წარმომადგე-ნელი ჩიტიაშვილი. ეროვ.-დემ. წარმომადგენელი მგალობლიშვილი.




რაიონის სარდლები ამოცანების შესრულების შემდეგ სამართლე ქალაქებს უნდა დაპირისპირებოდნენ. ჩრდილო-კავკასიის მთაცლებლანი იგზავნებოდნენ: მაიორი ვ. ბერიძე (სოლოვეკაში გარდაიცვალა), როტმ. ი. ავალიშვილი და 7 სხვა ოფიცირები. ამათ უნდა ეხელმძღვანელათ აჯანყებულ მთიელ ხალხისათვის.

პირველი გამოსვლისათვის იარაღი საქმარისად მგვაჩნდა, შემდეგისათვის კი ვშოულობდით. მთავარ-სარდლის დანიშვნა და მასთან სამოქმედო შტაბის შედგენა უნდა მომხდარიყო მხოლოდ აჯანყების წინა თვეში. შტაბს დეტალურად უნდა შეესწავლა მოწყობილი ორგანიზაციები და მოქმედებისათვის ბრძანებები დაეგზავნა. მთავარ-სარდლის დანიშვნისა და სამოქმედო შტაბის დარასების შემდეგ სამხედრო კომისია ავტომატურად უქმდებოდა (ალბად ამ კომისიის წევრებს გამოყდილი მთავარ-სარდალი შტაბის წევრებად შეიყვანდა, მაგრამ სამწუხაროდ ასე არ მოხდა),

1923 წლის შემოდგომისათვის სამხედრო კომისიას თავისი მუშაობა დამთავრებული ჰქონდა, ე. ი. აჯანყებისათვის ხალხი დარაზმული ჰყავდა. აჯანყება უნდა დაწყებულიყო მთელ საქართველოში ერთ დღეს, ერთ საათს; უეცრივ და შეუჩერებლად უნდა ემოქმედათ, სანაშ მტრის რიგებში დემორალიზაცია არ მოხდებოდა.

11.

ეინაიდან ამ აჯანყებაში გადამწყვეტი როლი უნდა ეთამაშა ქაქუცა ჩოლოყაშვილს თავისი შეფიცულებით, ამიტომ საჭიროდ ვცანით, პირადად ქაქუცასთან მოველაპარაკა. გადავწყვეტით ქაქუცას ჩამოყანა თბილისში და აჯანყების გეგმა და დრო მასთან შეთანხმებით მიგვეღო და დაგვენიშნა. ამ საჭირო მოწყობა მე ვიკისრე. 1923 წლის ქრისტიშობის თვეში, ერთი მანდილოსანის საშუალებით, ქაქუცა თავისი ორი შეფიცულით: სერგო მაისურაძით და გაბო ოზიაშვილით თბილისში ჩამოვიდა. პირველი ღამე ერთ ოჯახში გავატარეთ, მეორე დღეს, საღამოთი, სამხედრო კომისიის კრება მოისმინა. სამხედრო კომისიის მიერ დამუშავებული გეგმა მთლად გაიზიარა. ქაქუცა თბი-



ლისში რვა დღე დარჩა. ამ ხნის განმავლობაში ბევრი სამხედრო პრეზენტაცია ჩატარდა. ინახულა, რომლებიდანაც თანხმობა მიიღო, რომ გამოსტლის წინა დღეებში მას შეუერთდებოდნენ. რვა დღის შემდეგ ქაქუცა თავისი შეფიცულებით ტყვია-წარმლით დატვირთული სალამოს 9 სა-ათზე ვერიდან დუშეთის მიდამოებში გადავიდნენ.

12.

როგორც ზემოთ ვსთქვით, „დამკომში“ მუშაობა ორი მხრივ სწა-მოებდა: 1. პოლიტიკურ მუშაობას „დამკომი“ აწარმოებდა; მან ალადგინა ქავშირი ყველა ორგანიზაციებთან ქალაქებში და სოფლე-ში, ყველან დანიშნა თავისი წარმომადგენლები, გააძა ქავშირი სომხებთან, აზერბეიჯანთან და მთიულებთან. პირველ ორთან ქავ-შირი ჰქონდათ სოც.-დემოკრატებს, მესამესთან — ეროვ.-დემოკრა-გებტს. პირველად მთიულების წარმომადგენლებს შეხვდა ქაქუცა 1923 წელს. მთიულებმა მოითხოვეს „დამკომიდან“ პოლიტიკური წარმომადგენლი მანდატით, რომლებთანაც მათ ჰსურდათ ოფიცი-ალური ხელშეკრულების დადება. „დამკომმა“ მიიღო მათი წინადა-დება და ოქტომბერში გაგზავნა გიორგი წინამძღვრიშვილი მოსალა-პარაკებლად ქ. გრიგორიშვილი. იქ ალი მიტავება მეჯლისი მოიწვია. გ. წი-ნამძღვრიშვილმა მოხსენება გაუკეთა საქართველოში შექმნილი მდგომარეობის შესახებ და სთხოვა მთიელებს, მოძრაობაში მონაწი-ლეობა მიეღოთ ქართველებთან ერთად. მეჯლისმა ერთხმად მიიღო ქართველების წინადადება. გ. წინამძღვრიშვილი ერთ კვირამდე დარჩა ქ. გრიგორიშვილი. მოაგვარა რამდენიმე ტეხნიკური სა-კითხი და უკან დაბრუნდა. „დამკომში“ მისმა მოხსენებამ კარგი შთაბეჭდილება მოახდინა. ოქტომბრის გასულს მთიელებიდან კაცი ჩამოვიდა მდგომარეობის გამოსარკვევად და თანაც მოითხოვა რამ-დენიმე ქართველი ოფიცერი, რომ მათ აჯანყებულ ხალხისათვის ქხელმძღვანელათ. ნოემბერში „დამკომს“ ხალხი უკვე დარჩაზმული ჰყავდა გმოსასვლელად და თავიანთ წრეში აჯანყების დაწყების სა-კითხი დასვა. დაადგინეს, აჯანყება მოხდეს 1924 წლის თებერვლის დასაწყისში, სანამ კი ვასო ნოღია და გიორგი წინამძღვრიშვილი გა-გზავნოს საზღვარგარეთ საერთოშორისო მდგომარეობის გამოსარ-



პვევად და დაევალოთ მათ პოლიტიკური მუშაობისათვის საზოგადო გარეთიდან წამოიყანონ ხალხი, ოლონდ ურჩიონ ვალიკო ჯულილს და ბენია ჩხიკვეიშვილს არ წამოვიდნენ, რადგანაც მათი ჩამოსვლა საქართველოში საქმეს დიდად ავნებს. უთანხმოების გამო „დამკმ-ბა“ გაგზავნა მხოლოდ ვასო ნოდია.

სტამბოლიდან ვ. ნოდიასაგან ცნობა მივიღეთ, რომ მშვიდობით ჩავიდა და ეცდება თებერვალში უკან დაბრუნდეს. „დამკმბა“ და-აქარა მუშაობა; მოიწვია კველა ქალაქებიდან და მაზრებიდან თა-ვისი წარმომადგენლები; მოისმინა სამხედრო კომისიიდან ძალების აღნუსხვა, რაშიც შეიტანა შესწორებანი და თანაც დაავალა ამავე კომისიას თებერვლისათვის მუშაობა დაემთავრებია და აჯანყებისა-თვის მზად ყოფილიყო.

ამ ხანში „ჩეკამ“ ხელში ჩაიგდო დიდი აქტიური და ენერგიით საესე პირები: ჯერ ნ. ხომერიკი, შემდეგ 1924 წლის 24 იანვარს გო-გიტა ფალავა (აზერბეიჯანის კავშირის გაბმის ღროს ბაქოდან ჩამო-სულმა კაცმა გასცა და ჩეკისტებთან ერთად მივიდა გ. ფალავას ფა-რულ ბინაზე. 28 იანვარს 1924 წელს დაიჭირეს აგრეთვე გიორგი წინამძღვრიშვილი იმ ღროს, როდესაც ის ქაქუცასთან იარაღს ჰგზა-ვნიდა. იარაღის მომტანთა ორში ერთი მოლალატე გამოდგა. მასთან ერთად ჩეკისტი ეჯიბიაც მოვიდა გ. წინამძღვრიშვილთან და ლაპა-ტიმჩა.

ხალხმა ნერვიულობა დაიწყო. თხოულობრივ გამოსვლას ან მუ-შაობის შენელებას, ვინაიდან დარაზმულ ხალხში კონსპირაციის შე-ნახვა დიდხანს შეუძლებელი ხდებოდა. სამხედრო კომისიაში გ. ფა-ლავას მაგიერად შემოვიდა ლ. ბელთაძე, რომელიც ერთი კვირის მუ-შაობის შემდეგ დაპატიმრებულ იქნა. მის მაგიერად შემოვიდა ნ. კახიანი. აპრილში ესეც ხელში ჩაუვარდა ჩეკას. ის შეცვალა პორ. იურისტმა ჯინორიამ. ამ ხალხის დაჭერამ ძალები გაგვინახევრა და ჩაშლილი ორგანიზაციები ძლივს აღვადგინეთ მაისში.

საბრძოლველად გამზადებული რაზმები მოქმედების დაწყებას თხოულობდნენ იმ მოსაზრებით, რომ ზოგიერთ რაზმებს თავისი ნებით გამოსვლები არ დაეწყოთ, როგორც ეს მოხდა 1922 წელს და რამაც დიდი ზარალი მოიტანა. „დამქომმა“ გადაწყვიტა გაეგზავნა თავისი წარმომადგენლები მაზრებში ხალხის დასამშვიდებლად. სწორედ ამ დროს ორი დიდი რაზმი ქაქუცა ჩოლოყაშვილისა და მიხეილ ლაშქარაშვილისა ბინაღრობდა კავთის-ხევის მიდამოებში (ქართლში) ორივეს ჰქონდა სურვილი გაერთიანებისა. ამ გარემოებით ვისარგებლე და წავედი ქაქუცასთან შესახვედრად. მე და ქაქუცასაგან გამოზავნილი კაცი თბილისის სადგურიდან გავედით ლიმის თერთმეტნახევარ საათზე. ამავე მატარებლით მოდიოდა ლაშქარაშვილის მეუღლეც. სადგურ ზემო-ხანდაგში ჩამოვჭრით დილის 2 საათზე. ელენე ლაშქარაშვილს მიუახლოვდა ერთი გლეხიყაცი და გააფრთხილა, რომ სოფელი ჩეკისტებით სავსეა და გზებს სლაბარაჯობენ, რადგანაც გაუყიათ ერთ-ერთი გასული რაზმის ამ რაიონში ბინაღრობა. ადგილობრივი „ჩეკას“ მოხელეები ელენე ლაშქარიშვილს კარგად იცნობდნენ, ამიტომ, სიფრთხილის გამო, ის იძულებული გახდა უკან დაბრუნებულიყო თბილისში, მე კი გადავწყვიტე სიბნელით მესარგებლა და დანიშნულ ადგილს ქაქუცას შევხვედროდი. გზას გავუდექი და ცოტა მოშორებით ქაქუცას კაცი გავიძლოლე. აგრე, სიბნელეში ბორნის პატარა ქოხიც გამოჩნდა. ქოხში ცეცხლი ენთო. ცეცხლის შუქზე ქაქუცას კაცი ხელით საშიშროებას მანიშნებდა, მაგრამ უკან დახევა უკვე გვიანდა იყო. ქოხიდან რამდენიმე შეიარაღებული კაცი გამოვიდა და ჩეშს მხლებელს ლაპარაკი დაუწყო. გადავწყვიტე პირდაპირ მიესულიყავი მათთან. დაჭიმული წუთები შეიქმნა; ყველაფერი დამყარებული იყო იმაზე, თუ რამდენად შევინახავდი სიმშვიდეს. ბორნის მიმოსვლა ჯერ არ დაეწყო, რომ პირდაპირ მტკვრის მეორე ნაპირას გადაესულიყავ და ამ ხალხთან ლაპარაკი ამეცდინა. ქოხში შევედი თუ არა, მილიციონერები ფეხზე წამოდგნენ. ნება ვთხოვე ცეცხლთან გათბობისა, თანაც აქაური სოფლების გამოკითვა დაუწყე, ვითომ ოჯახობისათვის სააგარაკო ბინას

ვეძებდი და მათ რჩევასა ვთხოვდი. ერთმა მათგანმა მირჩია დილით
წეთ წავყოლოდი და თავიანთ სოფელში კარგსა და იაფ ოთახს მი
შოვნიდა. ამავე დროს შევამჩნიე, რომ ამ ხალხმა რაღაც ჩურჩული
დაიწყო. გარეთ გაიყვანეს ჩემი მოკავშირე და გამოკითხვა დაუწყეს.
—ვინა ვარ, საიდან მოვდივარ, ან სად შემხვდა. მოკავშირემ კველა-
ფერზე უარი გამოაცხადა. მათი ჩურჩული მშევნივრად მესმოდა. ქა-
ქუცასთან შეხვედრაზე უკვე აღარა ვფიქრობდი; უმთავრესი იყო,
ამ ხალხისაგან როგორმე თავი დამეღწია. ვიფიქრე, სჯობია, დილით
ამათ წავყვე და მართლა სააგარაკო ბინა ავილო. ის იყო რიყრაჟი და-
იწყო, მტკვრის მეორე მხარეს მებორნეც გამოჩნდა, აამუშავა ბო-
რანი და ჩვენს ნაპირს მოადგა. ქოხიდან გამოვედი და მილიციონე-
რებს მიემართე, წამოსულიყვნენ. ისინი როგორლაც შეტორტმანდნენ,
წაიჩურჩულეს და შემდეგ ერთმა მათგანმა მირჩია, რომ მე წავსული-
ყავი და ისინი ათ-თხუთმეტ წუთში დამეწეროდნენ. უკვე იმედი მო-
მეცა, რომ თაგს ვიხსნიდი ამ ხათაბალისაგან. მტკვრის მეორე ნაპირ-
ზე გავედით მე ჩემი მოკავშირით და კიდევ ერთი გლეხიკაცი. აშე-
რა იყო, მილიციონერებს გადაეწყვიტათ, შორიდან თვალ-ყური ედევ-
ნათ, და ეხლა უკვე შეუძლებელი ხდებოდა ქაქუცას კაცთან ერთად
მოგზაურობა. ერთმანეთს უნდა დავმორჩებოდით და საღამოს, შე-
ბინდებისას, სადმე მინდორში ისევ შეგხვედრობით ერთმანეთს. დრო
რომ ვიხელთე, ჩემი გადაწყვეტილება მოკავშირეს შევატყობინე. რა-
მოდენიმე მანძილის შემდეგ მას დავშორდი და სხვა ბილიკით კავ-
თის-ხევისაკენ გავემგზავრე. ჩემს ბედზე ამ დღეს კვირა იყო და მინ-
დორში მუშაობა არ სწარმოებდა. პატარა ბუჩქებს შევეფარე და სა-
ლამომდე მშიერ-მწყურვალი თავს ვინახავდი. შებანდებისას დანიშ-
ნულ ადგილისაკენ გავემგზავრე. ცოტა დაგვიანებით მოკავშირემ ქა-
ქუცა მოიყვანა. მას ახლდა თავისი შეფიცული ლელო ჩიქოვანი.
ამათაც იმ დღეს ბევრი განცდები გადაეტანათ. სოფელში ჩეკისტე-
ბი დათარეშობდნენ და რამდენჯერმე იმ ვენახსაც მისდგომოდნენ,
სადაც ამათ თავი შეეფარათ. სანამ კარგად არ დაბნელდა, ვენახი-
დან არ გამოსულიყვნენ. მოკავშირე უკან სოფელში დაბრუნდა, ჩვეო
კი იქვე ახლოს ციხის ნანგრევებში შევედით და საქმეს შევუდეჭით:
გავაცანი ქაქუცას მდგომარეობა და „დამკომის“ სახელით ვთხოვე,
მომზინება გამოეჩინა, რაღვანაც გამოსვლა საქართველოში და მთი-

ულეთში ერთად უნდა მოშედარიყო, და ეს საჭიროებდა ზოგიერთი საკითხის მოგვარებას. გამოსცვლის გადადება ბევრად არ ესიამოვნა ქაქუცას, მაგრამ რას იზამდა? საქმე მორჩილებას მოითხოვდა. აქვე გადავწყვიტეთ მთავარ-სარდლის კანდიდატურა წამოგვეყენებინა. ბევრი ლაპარაკის შემდეგ გენ. ს. ჭავჭავაძე ავირჩიეთ. საქმის მოთავების შემდეგ ქაქუცამ მთხოვა, თავის ბინაზე წავყოლოდი და დანარჩენი რაზმელებიც მენახა. სიამოვნებით დავთანხმდი და მაშინვე გზას გავუდექით.

მაისის პატარა ღამე იყო; სიბნელით უნდა გვესარგებლა და ჩქარა გვევლო, რომ დილით ბინაზე ავსულიყავით. მე, ორივე ფეხში და-ქრილს, სიარული მიძნელდებოდა, ისინი კი შეველებივით მირბოდნენ. შუა-გზაში ქაქუცას თანა შემწე კაპ. გაჩნაძე და სერგო მაისურაძე დაგვხვდნენ, ტყიდან გზის დასაზვერად ჩამოსულიყვნენ. ეხლა ხუთნი ვიყავით. წინ, ოცდაათი ნაბიჯით, ს. მაისურაძე მივგიძლოდა, უქან ლ. ჩიქოვანი გვფარავდა სანამ ტყეში შევიდოდით. უცებ ს. მაისურაძემ თოფი მხარზე მიიბჯინა და ვილაცას შეჰყვირა: — „უქან მიბრუნდით!“ — ჩვენ რომ მივუახლოვდით, შემდეგი სურათი დავინახეთ: სოფლიდან მომავალი ხალხი, 15 კაცამდე, გაეჩერებინა, გზის ნაპირას გადაეყვანა, ზურგი ჩვენსკენ ექნევინა და, სანამ ჩვენ არ გავცილდით კარგა მოშორებით, არ გაანთავისუფლა. თითონ კი მარდად დაგვეწია და ისევ თავის ადგილი დაიჭირა. დილით დაღლილ-დაქანულები ბინაზე ავედით. ახლო სოფელში გაეგოთ, რომ ბელადს ქალაქიდან საიდუმლო მთავრობის კაცი მოსვლია, და რამდენიმე გლეხეკაცი ძღვენით ამოვიდნენ. მთელი დღე იმათთან გავატარე და საღამოს იქაურ გლეხეკაცთან ერთად საღვურისაკენ დავეშვი. გლეხეკაცმა სხვა გზით საღვურ ქსანში ამომიყვანა.. თბილისში დილით 10 საათზე ჩამოვედი. სადგურთან ახლო საიდუმლო ბინაზე თავი შეეძაფარე. „დამკომის“ წევრებს ვაცნობე ჩემი დაბრუნება და იმავე საღამოს მოწვეულ კრებაზე მოხსენება გავაკეთე.

მთავარ-სარდლად გენ. ს. ჭავჭავაძე ყველასათვის მისალები იყო. „დამკომის“ თავმჯდომარებ, გ. ანდრონიკაშვილმა, მასთან მოლაპარაკება იქისრა. მალე მისგან თანხმობაც მივიღეთ. შესდგა სამოქმედო შტაბი. მთავარ-სარდლის დასახმარებლად დანიშნულ იქმნა ორი პოლკოვნიკი. დადგა მომენტი, როდესაც პარტიულ და სამხედრო ძალებს ერთ დარაზმულებაში თავი უნდა მოგვეყარა. ეს მუშაობა ყველაზე მეტ სიფრთხილეს თხოულობდა, რადგანაც პარტიულ ორგანიზაციებში ხშირად გაცემა ხდებოდა. ამიტომ სამხედრო პირები მათთან დაკავშირებას ბოლო მომენტისათვის სდებდნენ.

შაისში საზღვარგარეთიდან თბილისში დაბრუნდა ვ. ნოდია. მას ჩამოჰყავა, მიუხედავად „დამკომის“ დადგენილებისა, ვალიკო ჯულელი, ბ. ჩხიკვიშვილი და მათთან ერთად ვ. მგელაძე, ცინცაბაძე და ცენტრერაძე (ყველა სოც.-დემოკრატები), სხვა პარტიებიდან არავინ და არც არაფერს იტყობინებოდა. ახალმა ჩამოსულებმა ჩამოიტანეს შემდეგი ინფორმაცია: საერთაშორისო მდგომარეობა ხელს უწყობს აჯანყების დაწყებას, და, თუ ვინიცობაა, აჯანყება დამარცხდეს, მაშინ მოძრაობა პროვინციებში უნდა გაგრძელდეს, რომ ამით პარიზში მყოფმა გაერთიანებულმა ცენტრმა შესძლოს ზოგიერთ მეგობრულად განწყობილ სახელმწიფოსთან დიპლომატიური წესით მოაგვაროს საქართველოს საკითხო რუსებთან.

ჩვენთვის ასეთი ცნობები სრულიად დამაკმაყოფილებელი იყო. მუშაობა უფრო გახალდა. სამხედრო კომისიაში, დიდი კამათის შემდეგ, გოგიტა ფალავას მაგიერ შემოვიდა ვალიკო ჯულელი. სამხედრო კომისია განახლდა შემდეგი შემადგენლობით: სოც.-დემოკრატები: კოტე ანდრონიკაშვილი, ვალიკო ჯულელი და ჯინორია. ეროვნულმოქადაგები: იასონ ჯავახიშვილი და ბე. ვალიკო ჯულელი დიდ აქტიობას იჩენდა სოც.-დემოკრატიულ წრეში. ხალხი გაამხნევა და ძალებიც შეჰვითა. პირველად მასთან შეხვედრა მქონდა მისი კავშირის, ქეთო ხუცაშვილის, საშუალებით. მასთან იყვნენ ვასო ნოდია და ჯინორია. ჩვენ გავაცანით სამხედრო კომისიის მუშაობა. ვ. ჯუ-



ღელი აღტაცებაში მოვიდა და განაცხადა, რომ ყველაფერი მშვენიშვილის
რად არის დამუშავებული და, რაც შეიძლება, საჩქაროდ უნდა მოხდოთ და
დეს გამოსვლამ.

15.

1924 წლის ივნისში ჩვენმა პარტიაშ მოახდინა მთავარი კომიტეტის ყრილობა, რომელსაც საბოლოოდ უნდა გადაეწყვიტა აჯანყების საკითხი. იასონ ჯავახშვილმა, „დამკომის“ თავმჯდომრის მოადგილემ, გააკეთა მოხსენება საერთაშორისო მდგომარეობის შესახებ და დაუმატა ვ. ნოდის საზღვარგარეთიდან ჩამოტანილი ცნობა, რომ საერთაშორისო მდგომარეობა ხელს უწყობს აჯანყების დაწყებას. ცნობა „დამკომს საქმარისად მიაჩნდა, რომ აჯანყება დაწყო. აჯანყებისათვის ძალთა აღრიცხვის შესახებ მე გავაკეთე მოხსენება. რასაკირველია, კონსპირაციის მოსაზრებით მოხსენება სრული არ იყო და ზოგადი ხასიათი ჰქონდა, რამაც ზოგი-ერთი წევრი არ დააკმაყოფილა. ამ საკითხის ირგვლივ გაიმართა აზრთა გაცვლა-გამოცვლა: პარტიის თავმჯდომარე შალვა ამირავები იყო აჯანყების წინააღმდეგი. მისი აზრით ქართველმა ხალხმა უარი უნდა სთქვას აჯანყებაზე, რადგანაც დღევანდელ პირობებში პატარა საქართველოს ვერ გაუმქლავდება რუსეთსაო. ექიმი მიხეილ იშხნელი აჯანყების მომხრე იყო. ის ამბობდა: საქართველოსათვის დამარცხებული აჯანყებაც გამარჯვება იქნება, მხოლოდ „დამკომის“ მუშაობით არ იყო კმაყოფილი და თხოულობდა უფრო ენერგიულ მუშაობას ხალხში. ელისე პატარიძე არ ენდობოდა ვ. ნოდის მიერ ჩამოტანილ ცნობას და თხოულობდა აჯანყებისათვის მოწყობილი ორგანიზაციების დაშლას და მხოლოდ ცენტრალური და სამაზრო სამხედრო სამეულების შენარჩუნებას. მოითხოვდა აგრეთვე დაუყონებლივ ჩვენი (ე. ი. ეროვ.-დემოკრატების) წევრის გაგზავნას ევროპაში, ჩვენი პარტიის წარმომადგენელთა დაკავშირებას და მისგან უშუალო ცნობების მიღებას.

აქ უნდა აღვნიშნო, რომ ამნაირი ოპოზიცია სოც.-დემ. პარტია-შიც იყო. მაგალითად, კოტე ანდრონიკაშვილს ეძახდნენ ეროვ.-დამ.



პარტიის ინტერესების დამცველს და ჩვენებმა იასონ ჯავახიშვილი პარტიული სოც.-დემოკრატიად მონათლეს. ეს იმას ნიშნავდა, რომ „დაწერმის“ წევრებს სწორედ ესმოდათ გაერთიანებული ეროვნული მუშაობა, პოლიტიკურ პარტიებში კი ჯერ კიდევ სჭარბობდა ვიწრო პარტიული შეხედულებანი.

ყველა ზემოთ გამოთქმული აზრები „დამკომის“ მიმართ უნდობლობას ნიშნავდა. ამიტომ ისა. ჯავახიშვილმა ნდობის საკითხი დასვა. კომიტეტმა ნდობა გამოუცხადა და აჯანყება უმრავლესობით გადაწყდა. ამავე კრებაზე განვიხილეთ „ჩეკიდან“ გამოგზავნილი გიორგი წინამძღვრიშვილის წერილი, რომელიც ნებას თხოულობდა „ჩეკასთან“ მოლაპარაკება დაეწყო შემდეგ პირობებში: აჯანყებაზე პარტიას უარი ეთქვა, სამოქმედოდ დამზადებული რაზები დაგვემალა და ყველა პასუხისმგებელი პირები და ქაქუცა ჩოლოყაშვილი თავისი რაზმით სახლვარგარეთ გავსულიყავით. ეს წინადადება მართლაც რომ გ. წინამძღვრიშვილისაგან ყოფილიყო და არა „ჩეკის“ ხრიკები, მაინც მხარს არავინ დაუჭერდა. თითონ გ. წინამძღვრიშვილს კი ვაცნობეთ, რომ პირადად ის თავისუფალია, რა პირობებითაც და რა საშუალებითაც ჰსურს, ისე დააღწიოს თავი „ჩეკას“.

16.

ივლისის შუა რიცხვებში „დამკომმა“ მოიწვია გაფართოებული კრება, რომელსაც დაესწრენ ყველა პარტიების ბიუროთა და კომისიის წევრები და მთავარ-სარდალი ს. ჭავჭავაძე. ბინას სდარაჯობდა მიშა კოლუაშვილისა და ეროვ.-დემოკრატიული შეიარაღებული რაზები. „დამკომმა“ გაუკეთა კრებას საერთო პოლიტიკური მოხსენება. ყველა კომისიებმა ჩააბარეს ანგარიშები; სამხედრო კომისიამ აღნუსხა რაზმელების ძალები. ამის შემდეგ საბოლოოდ დაისვა აჯანყების საკითხი. მთავარ-სარდალმა განაცხადა, რომ ძალები და ტეხნიკური მუშაობა საკმარისად მიაჩნია აჯანყების დაწყებისათვის. მთავარ-სარდლის დაფასებამ გადასწყვიტა აჯანყების საკითხი, რაც ყველა პარტიის მიერ იქმნა მიღებული. აჯანყების დღე უნდა დაენიშნა თვით მთავარ-სარდალს მას შემდეგ, როდესაც სამხედრო კომისიიდან

მუშაობას ჩაიბარებდა. სამი დღის განმავლობაში ვ. ჯულელი, ჯინჯარიშვილი რია და მე ვაბარებდით სამხედრო მუშაობის შედეგებს მთავრებულების დალს. ამ დღიდან აჯანყების დეტალური დამუშავება მთავარ-სარ-დალს და მის შტაბს ეფალებოდა.

ჩრდილო-კავკასიაში „დამკომმა“ გაგზავნა ექიმი მ. იშხნელი, არმელმაც ინახულა ალი მიტავი და მისგან გაიო, რომ მთა მზად იყო აჯანყებისათვის, მხოლოდ ელოდებოლია საქართველოდან ნიშანს და ხელმძღვანელ ოფიცრებს. ამ ცნობით მ. იშხნელი თბილისში დაბრუნდა. კ. ანდრონიკაშვილმა და ო. ჯავახიშვილმა პირადად ინახულეს პასუხისმგებელი ოფიცრები. ქალაქებიდან და მაზრებიდან მოიწვიეს სამხედრო და პარტიათა წარმომადგენლები და დაავალეს, რომ რაზმები მზად ჰყოლოდათ გამოსასვლელად. მხოლოდ დღესა და საათს განსაკუთრებული ბარათებით შეატყობინებდნენ.

„დამკომმა“ აჯანყების დღედ დანიშნა 17 ავგვისტო, და გამოსვლა უნდა დაწყებულიყო შემდეგი გეგმით: პირველად გამოვიდოდა თბილისი. ამისათვის ქაქუცა თავისი რაზმით თბილის მოუახლოვდა 20 კილომეტრზე და სოფ. ნახშირის გორასთან დაბანაკდა. მას დაუკავშირდა მიშა ლაშქარაშვილი თავისი რაზმით, გ. ნაცვლიშვილი დუშეთისა და დიღმის რაზმით, კაპ. ელ. ვაჩაძე ბორჩალოს რაზმით და კიდევ მოემატა მანგლისის რაზმიც. თვით თბილისში ყველა დამკვრელ რაზმებს უფროსები ჩაუდგნენ სათავეში, დანიშნულ რაიონებში კი სარდლები გაგზავნენ. აგვისტოს პირველ რიცხვებში ხალხი მზად იყო და „დამკომმის“ სიტყვას ელოდებოდა აჯანყების დასწყებად. ამ ხანში ვაზიანის მიღამოებში დაბანაკდა მთელი ამიერკავკასიის არტილერია 120 ზარბაზნით. ამ ძალის ხელში ჩაგდება ნახევრად მაინც სწყვეტდა თბილისის ბედს. ამისათვის საჩქაროდ ავმუშავდით. დავიმუშავეთ გეგმა, რომლითაც მთელი არტილერია ხელში გვივარდებოდა. ამ რაიონის სარდლად დაინიშნა არტილერიისტი პოლკ. ო. ცაგურია. მის განკარგულებაში იყო ამ რაიონის სოც.-დემ. რაზმი. დამუშავებული გეგმით მათ უნდა ჩამოერთმიათ რუსებისათვის ზარბაზნები და მოსდგომოდნენ თბილის ნავთლულის მხრივ. აჯანყების მეორე დღეს თელავის, სიღნაღისა და გურჯანის რაზმები ყველა ერთეულ პოლკ. ცაგურიას ხელში უნდა გადასულიყვნენ. ჩრდილო-კავკასიაში ცნობის მისაცემად გაიგზავნა ეროვ.-დემ. სტუ-



დექტოა სამხედრო კომისიის ერთი წევრი. გ. ფალავას დაჭერის „შექმნა“ დეგ კავშირი აზერბეიჯანთან ველარ აღვადგინეთ ასე, რომ აჯანყებაში გამოდიოდნენ მთელი საქართველო და ჩრდილო კავკასიელები.

ასეთი იყო ვითარება პირველიდან ექვს აგვისტომდე, ე. ი. სანაშ „ჩეკაშ“ ვ. ჯულელი დააპატიმრა, როდესაც ის მტკვრის მარცხნა მხრიდან ბორნით საბურთალოში გადმოდიოდა დანიშნულ პარტიულ კრებაზე დასასწრებლად. ამ დღიდან დაიწყო აჯანყების ჩაშლა. მის დაბატიმრებას მოჟყვა გეგმის შეცვლა და აჯანყების ცუდ პირობებში დაწყება. ვ. ჯულელის დაკითხვის შემდეგ „ჩეკაში“ დაახლოებით აჯანყების დღეც გამოაშარავდა. ეს მოხდა შემდეგი სახით: „ჩეკას“ გამომძიებელმა, მორიზოვმა, თავისი შედგენილი აჯანყების გეგმა უჩვენა ვ. ჯულელს და დაარწმუნა, რამ ვითომ „დამკომის“ სამხედრო კომისიის ერთ-ერთი წევრი ყველა ცნობებს აწვდიდა „ჩეკას“ და თუ ვ. ჯულელი ზომებს არ მიიღებს და „დამკომს“ აჯანყების გადაწყვეტილებას არ მოახსნევინებს, ხელისუფლება იძულებული იქნება დიდი სისატიკე გამოიჩინოს. პირველ რიგში დაპხრეტს იმ ხალხს, ვინც ამ საქმეზე უკვე დატუსალებული ჰყავს და შემდეგ ქალაქებს და სოფლებს გაანადგურებს. ამ ტყუილმა ცნობამ ვ. ჯულელზე დიდი შთაბეჭდილება მოახდინა. მაშინვე „დამკომს“ წერილი გამოუგზავნა და სოხოვა, აჯანყება მოეხსნათ. რასაკირველია, „ჩეკიდან“ გამოგზავნილ წერილს ჩვენთვის ფასი არა ჰქონდა, მით უმეტეს, რომ ეს პირველი შემთხვევა არ იყო. ასევე მოიქცა „ჩეკა“ ვ. წინამდლვრი-შვილისა და გ. ფალავას დაჭერის შემდეგ. განსხვავება მხოლოდ იმაში იყო, რომ ვ. ჯულელის წერილი უფრო კატეგორიული იყო. „დამკომმა“ დაადგინა, ვ. ჯულელთან შესწყვიტოს ყოველგვარი კავშირი და მისგან გამოგზავნილი წერილი უკან გაუგზავნა. მაშინ ვ. ჯულელი „ჩეკას“ შევედრა, საქართველოს გაენთავისუფლებინათ, რომ პირადად მიეღო მონაწილეობება „დამკომის“ საწინააღმდეგოდ და აჯანყება მოეხსნევინებინა. „ჩეკა“ ჯულელს არ ენდო, მხოლოდ „ჩეკაში“ დატუსალებული სოც.-დემ. კანო ღლონტს დააკისრა შეესრულებინა ვ. ჯულელის დავალებანი. კანო ღლონტმა ჯულელის სახელით მიმართა სოც.-დემ. ცენტრალეურ კომიტეტს და სოხოვა, აჯანყებაზე ხელი აეღოთ. მენშევიკების ცეკამ უპასუხა: „გადაეცით ვ. ჯულელს და „ჩეკას“, რომ გამოსვლის საკითხი ახლო მომავალში არა სდგას

და არც არავითარ აჯანყებას არ ვაპირებთ” -ო. ამ პასუხით, რასაკეირ-
ველია, „ჩეკა“ არ დაქმაყოფილდა. ხელისუფლებამ ნერვიულობა და
იწყო და რეპრესიებს მიმართა. მანევრებზე გასული ჯარი თბილის
ში დაბრუნა, თბილისის ირგვლივ გზები შეჰქრა, საღამოს 9 საათი-
დან თბილისიდან გასვლა და შემოსვლა აღკრძალა, გაამაგრა ქალა-
ქის მნიშვნელოვანი პუნქტები, ქუჩებში „პატრულები“ გამოიყვანა
და საეჭვო სამხედრო პირების დატუსალება დაიწყო. ბათუმში და-
აპატიმრეს ბათუმის გაერთიანებული ორგანო. მასთან ერთად გენ.
ფურცელაძე. გურიაში დაატუსალეს გენ. ს. ყარალაშვილი. ამ ამ-
ბებმა თავზარი დაგვცა. მთავარ-სარდალმა გენ. ჭავჭავაძემ ძალების
შესუსტება იგრძნო და შეხვედრა მთხოვა. ბაასის დროს გამოირკვა,
რომ მთავარ-სარდალს აჯანყების გამარჯვების იმედი დაკარგო-
და და მთხოვა, „დამკომისათვის“ გადამეცა, რომ ამ პირობებში გა-
მოსვლა შეუძლებელი ხდება. ამ საღამოსვე ვინახულე იასონ ჯავა-
ხიშვილი და გადავეცა მთავარ-სარდალის აზრი. ი. ჯავახიშვილმა შე-
ძლევი სიტყვებით მომმართა: „მთავარ-სარდალს გადაეცი, რომ აჯან-
ყება უკვე დაწყებულია და ამ პირობებში უკან დახევა და მისი შე-
ჩერება უფრო მეტ მსხვერპლს გამოიწვევს. ვთხოვ მთავარ-სარდალს
თავისი მოვალეობის შესრულებას შეუდგეს.“

ი. ჯავახიშვილმა „დამკომში“ მოითხოვა მთავარ-სარდალის გა-
დაყენება და მის მაგიერად პოლკ. ქ. ჩოლოყაშვილის კანდიდატურა
წამოაყენა. „დამკომმა“ ეს წინადადება არ მიიღო და მთავარ-სარდ-
ლად ისევ გენ. ჭავჭავაძე დასტოვა.

შეცვლილმა მდგომარეობაშ დამუშავებული გეგმის შეცვლა გამო-
იწყოა. „დამკომის“ და მთავარ-სარდალის აზრით თბილისი აჯანყების
ცენტრად ველარ გამოდგებოდა. ამიტომ ქ. ჩოლოყაშვილის ბანაკი გა-
მოაცხადეს აჯანყების ცენტრად. პოლიტიკური პარტიები ამას არ
იზიარებდნენ. სოც-დემოკ. პარტია აჯანყების დაწყებას დასტურს
ალარ აძლევდა. სხვა პარტიიებშიაც წინანდელი სიმაგრე და ერთ-აზ-
როვნობა ალარ მოსჩანდა. „დამკომი“ იძულებული გახდა ამ მდგო-
მარეობისათვის ანგარიში გაეწია და აჯანყება სხვა დღისათვის გადაე-
დო. საჩქაროდ გაიგზავნა ყველგან შიკრიკები, რომ აჯანყება შეეჩ-
რებინათ. ვინაიდან ახალი გეგმით ქაუცუს ამოცანაც იცვლებოდა,
„დამკომმა“ მე დამავალა მისი ნახვა და აზრის გაგება.

15 აგვისტოს დილით თბილისიდგან გავედით მე და ქაქუცას საკავშირო კაცი. შუა ღამეს კავშირმა ქაქუცას ბინაზე მიშიყვახა. ძოელი ბთა ქაქუცას გუშაგებით იყო შეკრული. გასავლელად ჩვენგან „პაროლს“ თხოულობდნენ. ქაქუცასთან უკვე თავი მოყეარათ მან-გლისისა და დილომის რაიონების წარმომადგენელებს და ბელადისა-გან, ე. ი. ქაქუცასაგან, განკარგულებას ელოდნენ. როცა მე მივედი, რაზმელებს მშვიდად ხის ძირს ეძინათ. რიერაჟზე ყველამ გამოიღვი-და, მორიგე ხალხი გუშაგების შესაცვლელად წავიდა, ზოგმა თოფის წმენდა დაიწყო, ზოგი ქალამის ამოწყობას შეუდგა. მალე ქვევიდგან ხალხის ხმაურობა მოისმა და რამდენიმე ხანში შეიარაღებული რაზ-მის პირველი რიგი გამოჩნდა. მათ წინ მოუძღვიდა კაპ. ელიზბარ ვაჩ-ნაძე და მოხუცი ლვდელი, რომელმაც ქაქუცას შემდეგი სიტყვებით შივმართა; „ვიცი შვილო უკვე ბრძოლის დღეები დადგა, მებრძოლნი საქმარისად გყავს, მე კი თქვენ დასალოცათ ამოვედი“ - ი. კაპ. ვაჩანაძის რაზმით ქაქუცა 200 კაცამდე უსრულდებოდა და 300 კაცს კიდევ მოელოდებოდა. 17 აგვისტოსათვის მ. ლაშქარაშვილი და მ. ნაცვლი-შვილი თავიანთი რაზმებით უნდა მოსულიყვნენ, ისე რომ პირველ გეგმის შესასრულებლად მას 17 აგვისტოსათვის 600 კაცამდე უგროვ-დებოდა და ეს ძალა თბილისზე იერიშის მისატანად მთლად საქმარისი იყო მით უმეტესად, რომ თბილისში სხვა რაზმები უნდა დაპატიჟებოდა. ქაქუცა დარწმუნებული იყო, რომ ერთ ღამეში რუსებს თბილისი-დან გარეკავდა, მაგრამ როცა შევატყობინე სინამდვილე, ქაქუცას გუ-ლი გაუფლუჭდა, დაღონდა, გეგმის შეცვლა არ ესიამოვნა, აჯანყების გადადებამ კიდევ ააღელვა. ბოლოს იძულებული იყო „დამკომს“ და მთავარ-სარდლის დადგენილებას დამორჩილებოდა, მაგრამ დამისვა შემდეგი პირობები; — „ხომ ხედავ, ხალხი თავს იყრის და თუ დროზე გამოვედით, იმედი მაქვს, რაზმს უფრო გავაძლიერებ, თუ გამოსვლა 20 აგვისტოს არ მოხდა, მაშინ თბილისთან ახლო ტყეში ამდენ ხალხს ვერ შევინახამ, სანოვაგის საკითხი ამისათვის მოგვარებული არა მაქვს და იძულებული გავხდები რამდენიმე დღის შემდეგ ხალხი სოფელში დავაბრუნო. ახლო მომავალში მათი თავის მოყრა ადვილი აღარ იქ-

ნება. შინაძე გლეხვაცი პურს და ღვინოს არ დააბინავებს, აღარ გამოვა. რადგან გადადება აუცილებელია, მაშინ გონიერება მოითხოვს, აჯან ყება ოქტომბრისათვის გადიდოს“. — ქაქუცას შოსაზრება სავსებათ გავიზიარე და დარწმუნებული ვიყავი, რომ „დამკომი“ და შთავარ-სარდალი ამ შეხედულებას მხედველობაში შიღღებდა. იმავე დღეს ქაქუცაშ შიკრიკები დაგზავნა, რომ ბ. ლაშვარაშვილისა და ნ. ხაცლიოშვილის რაზმები თავიანთ რაიონებიდან არ დაძრულიყვნენ და მის განკარგულების მოლოდინში ყოფილიყვნენ. მე იმ დღესვე თბილისში დავბრუნდი „დამკომს“ კრება მოვაწვევინე. ამ კრებას დაესწრებ კ. ანდრონიკაშვილი, შ. ამირაჯიბი, დ. ონიაშვილი, ი. ჯავახიშვილი, მთავარ-სარდალი გენ. ჭავჭავაძე და კიდევ ორი სხვა პარტიის წარმომადგენელი. მოისმინეს რა ჩემი მოხსენება, დაადგინეს; სამხედრო კომისიის წევრის პოლ. ს. ზალდასტანიშვილის მოხსენება მიიღონ მხედველობაში, აჯანყების საკითხის შესახებ ბაასი გადიდოს განსაკუთრებული კრებისათვის უფრო ვიწრო წრის შემაღებელობით. კრების დანურებიდე მე განვაცხადე, რომ ანგარიში გაეწიათ ქაქუცას პირობებისათვის, რასაც მე დიდ მნიშვნელობას ვაძლევდი. სამწუხაროდ ჩემი განცხადება უყურადღებოდ დარჩა, და აქვე უნდა აღნიშნო, რომ რაღაც უნდობლობა შევამჩნიე ჩემდამი. ეს უკვე დიდ საშიშროებას წვევდა ჩენი მუშაობისათვის.

აჯანყების საკითხის გადაწყვეტა ხუთ კაცს მიანდეს; „დამკომის“ თავმჯდომარეს კ. ანდრონიკაშვილს, მის მოადგილეს ი. ჯავახიშვილს, სოც.-დემ. ბიუროს თავმჯდომარეს დ. ონიაშვილს, ეროვ.-დემ. ბიუროს თავმჯდომარეს შ. ამირაჯიბს და მთავარ-სარდალს გენ. ჭავჭავაძეს.

მოვითხოვე აეხსნათ, — რამ გამოიწვია სხვებისაღმი ამნაირი უნდობლობა, ან სად არიან დანარჩენი სამხედრო კომისიის წევრები — მთავარი ძარღვი მთელი მოძრაობისა?.. საქმე შეტრიალდა და უცნაური ხასიათი მიიღო. ჩეკა ბევრი ეცადა და ბოლოს მაინც შექმნა ჩვენ წრეში უნდობლობა. ლალატი დასწამეს პოლ. ჯინორიას (რომელიც სამხედრო კომისიაში ვ. ჯულელის მაგივრად შემოვიდა) და გერ. ლლონტის. „დამკომმა“ პოლ. ჯინორია სამხედრო კომისიიდან გადააყენა და და სამეცნიეროში გავზავნა, გერ. ლლონტის (ეს ის ლლონტი იყო, რომელიც „ჩეკაში“ წამების დროს ჯალათებს ხელში შემოაკედათ,

მაგრამ მის პირიდან ვერც ერთი ოფიცირის გვარი ვერ გაიგეს) შესახებ ვერ გადაეწყვიტათ, როგორ მოქცეულიყვნენ. ზოგიერთი გერმან ღლობტის სიკვდილს თხოულობდა, რაც უკვე ნამდვილი პრივოქაცია იყო. „ჩეკა“ ჩვენი ხელით თავის საქმეს აკეთებდა — იქტიურ პირებს გვაკვლევინებდა.

18 აგვისტოს კრება შუა-ლამებდე გაგრძელდა. ძლივს ხელი ავაღებინე ამნაირ შეხედულობაზე. მაგრამ კრებამ უნდობლობა გამოუცხადა სამხედრო კომისიას, რომლის მუშაობა დასრულებულად ჩასთვალა და წევრები პარტიებში დააბრუნა.

ამ კრების შემდეგ „დამკომ“-ის კიდევ ერთ ყრილობას დავესაწარი 20 აგვისტოს, არა როგორც სამხედრო კომისიის წევრი, არამედ როგორც ეროვ.-დემოკრატიის სამხედრო წარმომადგენელი. ამ სხდომაზე ყველა პარტიები საბოლოო განცხადებას აკეთებდნენ აჯანყების შესახებ. აქ გამოიჩინა, რომ აჯანყებაში იღებდნენ მონაწილეობას: სოც.-დემ. პარტია, ნაც.-დემოკ. პარტია, სოც.-რევ. პარტია და სხიველები. სოც.-ფედ. პარტია მზად არ იყო გამოსვლისათვის და მოითხოვა დრო. ვინაიდან ეს დრო „დამკომმა“ არ მისცა, მათ უარი სთქვეს აჯანყება-ში მონაწილეობის ძილებაზე და მის პასუხისმგებლობაც თავიდან ბოიცნებს. კრებამ აჯანყების დღის დანიშვნა 5 კაცს მიანდო. ამ ყრილობის შემდეგ ი. ჯავახიშვილი წავიდა ქაქუცას ბანაკში, რომ თვითონ დარწმუნებულიყო მის ძალებში. ქაქუცამ და მისმა რაზმა მშვენიერი შთაბეჭდილება მოახდინა ი. ჯავახიშვილზე და გამხნევებული და დიდი იმედით 22 აგვისტოს უკან დაბრუნდა.

18.

24 აგვისტოს ხუთმა კაცმა დაადგინა: აჯანყება დაიწყოს 29 აგვისტოს, 2 საათზე, მეამბოხეთა მთავარი შტაბი გადაიტანის ქაქუცას ბანაკში. „დამკომი“ და მთავარ-სარდალი მათ შეუერთდნენ, თბილისში კი დაარსდეს „დამკომის“ განყოფილება შემდეგი შემადგენლობით: სოც.-რევ.—თავმჯდომარე. წევრები: სოც.-დემ. ს. მენაღარაშვილი და ღლონტი, ეროვ.-დემ.—ექიმი შ. იშნელი და მე, და ერთი სხიველი. სეთი დაადგენილება ჩვენა პარტიისათვის გაუგებარი იყო. მე და მ. იშნელმა პროტესტი განუცხადეთ ი. ჯავახიშვილს. ამ დადგენილებით,



ჩვენი აზრით, მოძრაობას თავსა სჭრიღნენ და ქაქუცას მოძრაობის უშლიდნენ. თბილისში ახალი არჩეული „დამკომის“ განყოფილება „დამკომის“ მაგიერობას ვერ გასწევდა და სხვა... მაგრამ ჩვენმა პროტესტმა არაფერი შედეგი არ მოიტანა და 25 აგვისტოს 5 საათზე კ. ანდრონიკაშვილმა, ი. ჯავახიშვილმა, შ. ამირაჯიბაძა, დ. ონიაშვილმა, ა. წულაძეშ და მთავარ-სარდალმა გენ. ჭავჭავაძეშ თბილისი მიატოვეს და ქაქუცა ჩოლოყაშვილის ბანაკში გადავიდნენ. 26 აგვისტოს „დამკომის“ თბილისის განყოფილების თავმჯდომარებრ კრება მოიწვია, რომ გამოერკვია, რა დავალებები ჰქონდათ შესასრულებელი თბილისის ორგანიზაციების. კრებაშ ჩემზე ძალას ცუდი შთაბეჭდილება მოახდინა. აშკარად სჩანდა, ახალი წევრები რამდენად არ იყვნენ საქმეში ჩახედულნი; აჯანყება კი ორი დღის შემდეგ უნდა დაწყებულიყო. მართალი რომ ესთქვა, აჯანყების გამარჯვებაზე ეჭვი ჩემს დღეში არ შეპარებოდა, ეხლა კი კარგად ვხედავდი, რა ცუდ პირობებში გვიხდებოდა მისი დაწყება.

19.

თბილისის „დამკომს“ ექვსი ამოცანა ჰქონდა: ფოსტა-ტელეგრაფის, ჯავსნოსანი ავტომობილების, „ჩეკის“, კურსანტების, ჯავსნოსანი მატარებლისა და საავიაციო გუნდის დაკავება. ამ ამოცანებისათვის რაზები მზად იყენება და განკარგულებას ელოდებოდებო. ჩრდილოეთში გავგზავნეთ შვიდი ოფიცერი მაიორი ვ. ბერიძის მეთაურობით იმ აზრით, რომ ჩრდილოეთ-კავკასიას საქართველოსთან ერთად დაეწყო აჯანყება 29 აგვისტოს 2 საათზე (განთიადზე). 27 აგვისტოს ქაქუცას ბანაკიდან ი. ჯავახიშვილის წერილი მივიღეთ, რომელიც გვატყობინებდა, რამდენად კმაყოფილი იყო ქაქუცას რაზმით. ამ დღეს თბილისშიც ყველანი ამოძრავდნენ: ხალხს გამბედაობა მოქმატა, ოფიცრობაც ალარაფერს ერიდებოდა, თხოულობდნენ ქაქუცასთან გაგზავნას ან რომელიმე რაზმში ჩაწერას. „ჩეკა“ შიშობდა, ორჭოფობდა და თავის გადასარჩენად უფრო იოლ გამოსავალს ეძებდა. 28 აგვისტოს კი დილით ზომების მისაღებად გამბედაობა დაკარგა. ხალხი ამით უფრო გამჩნევდა, აჯანყებაზე მოურიდებლად ლაპარაკობდა. ყველას სიხარულისაგან სახეზე ღიმილი ემჩნეოდა. მე პირადად ალაგს ველარ ვპო-




ულობდი და სანატრელ წუთებს, ღამის ორ საათს, მოუთმენლად ვე-
ლოდებოდი. ნასაღილევს გახარებულმა ბავშვმა გაზეთი შემომიტანა
—ძია წაიკითხე, რა კარგი ამბები სწერიაო. გავშალე გაზეთი და ჩემს
თვალებს არ დავუჯერე: ჭიათურა 28 აგვისტოს დილით 2 საათზე გა-
მოსულიყო და აჯანყებულ ხალხს ქალაქი დაეკავა, ე.ი. ჭიათურა გა-
მოვიდა 24 საათით ადრე, ვიდრე საჭირო იყო. ყველა ზემოთ მოხსენე-
ბულ მარცხს ესაც დაემატა. თავპრუ დამეცვია, კანკალმა ამიტანა,
მწუხარებით შეპყრობილმა არ ვიცოდი, რა მექნა! რითო მეშველა!?
ამის წამკითხველი მეტყვის,—კიდევ იყო გამოსავალი. დიალ, მეც ვი-
გრძენი, რომ იყო... მხოლოდ ამისათვის საჭირო იყო, ელგის სისწრა-
ფით გვემოქმედა და იმ წუთშივე ყველგან, და განსაკუთრებით თბი-
ლისში, აჯანყება დაგვეწყო. მაგრამ როგორ მოგვეწყო ანდა ვინ იკის-
რებდა ამდენი შეცდომების გამოსწორებას. მთავარ-სარდალი და ხელ-
მძღვანელი ორგანო 20 კილომეტრით იყო თბილისიდან დაშორებული
და ტეხნიკურად მოწყვეტილი ჩენგან. ამბოხების პირობებში ყოველ
ლაგვიანებულ წუთს მნიშვნელობა აქვს. გარემოება ისეთი შეიქმნა,
რომ ჭიათურაში 24 საათით ადრე გამოსვლამ დრო და ინიციატივა
მოქმედებისა „ჩეკას“ და ხელისუფლებას გადასცა. იმავე დღეს, ე. ი.
28 აგვისტოს გამოაცხადეს სამხედრო წესები, დაიკავეს ჯავსნოსანი
ცეტომბილები, ფოსტა-ტელეფონი, ჯავსნოსანი მატარებელი ჭია-
თურაში გაგზავნეს, საეჭვო ოფიცირები დროებით ადგილებიდან გადა-
აყენეს, პარტიული კომუნისტური რაზმი ქუჩაში გამოიყენეს და სხვა,
ერთი სიტყვით, თაოსნობა ხელიდან წავეროვა და ხელისუფლება იე-
რიშით ქართველი ხალხის წინააღმდეგ გამოვიდა. მაგალითად, კახე-
თის ყველა ორგანიზაციების ხელმძღვანელები 29 აგვისტოს ღამე და-
იჭირეს და სუყველანი დახვრიტეს. სიღნაღის მაზრაში, როგორც სა-
მხედრო წარმომადგენელმა გაღმომცა, სხვა განკარგულება მიეღოთ.
ადგილობრივი გაერთიანებული ორგანოს თავმჯდომარეს შეიარაღე-
ბული რაზმი ვენახებში ჩაესაფრებინა და სამი დღის განმავლობაში
პოლკ. ცაგურიას გამარჯვებას ელოდნენ, რომ შემდეგ მისი დახმარე-
ბით სიღნაღი და თელავი აეღოთ. ეს ცნობა ოქტომბერში თვითონ
თავმჯდომარემ ჩემი თანადასწრებით დაადასტურა სოც.-დემ. პარტი-
ის კომიტეტში. ამისათვის სოც.-დემ. კომიტეტმა ეს წევრი პარტიიდან
გარიცხა. იმან ეს სასჯელი მშვიდად მიიღო და რამდენიმე კვირის შე-



მდევ შტრის ბანაკში გადავიდა. ერთი იმედილა იყო, რომ ქაქუცა თანამდებობის სის რაზმით მანგლისის შხრივ და ბოლკ. ცაგურია გაზიანის მხრივ თბილის მოადგებოდნენ და ჩვენ იმავე წუთს თბილისში დარჩენილი რაზმებით მტერს ბრძოლას დაუწყებდით.

გვიდა 29—30 აგვისტო და არსაიდან არავითარი ცნობა არ იყო. მანგლისიცა და ვაზიანიც სდუმდა. ახალ-გაზრდობა მოქმედებას მოითხოვდა, ხელისუფლებამ კი ტერორს მიჰყო ხელი და ასობით გაპყავდა ხალხი დასახვრეტად. მდგომარეობა მოითხოვდა, რომ ჩვენც ტერორით გვეპასუხა, მაგრამ თბილისის პარტიათა წარმომადგენლები ამ აზრს არ იზიარებდნენ. 31 აგვისტოს პოლკ. ცაგურია თბილისში შემოიპარა, გვინახულა მე და ექიმი იშხნელი და გვიამბო თავისი თავგადასავალი. 29 აგვისტოს დილით ორ საათზე დანიშნულ ადგილის რაზმი არ დაპხვდა და ვინც მისულიყო, ისიც რამდენიმე ცალი თოვით. მაშინ მას გადაუწყვეტია,—ჯერ სოფ. პატარძეულში მილიციონერებისათვის იარალი აეყარა და შემდეგ თავისი ამოცანა შეესრულებია. სოფ. პატარძეულში ხელისუფლებას მილიციონერები გაეფრთხილებინა და მათ პოლკ. ცაგურიას ბრძოლა აუტეხეს. პოლკ. ცაგურიამ ასეთი ბრძოლა უაზროდ ჩათვალა, თავისი რაზმი დაშალა და თითონ თბილისში მოვიდა. ქაქუცაც თითქმის ამგვარ პირობებში ჩავარინილიყო. ჭიათურის ნაალრევი გამოსცვლის შემდეგ მანგლისში ხელისუფლებას რუსული ჯარი გაეფრთხილებია, სოფელში მცვერავი მილიციონერები დაეგზავნა. წინასწარი ზომების მიღებისა გამოხალხი შეშინებულიყო, გამბედაობა დაჲკარგოდა და მანგლისელები ქაქუცასთან არ გამოცხადებულან. მართალია, კაპ. ელიზბარ ვაჩნაძემ მანგლისს შეუტია და ლელო ჩიქოვანმა სოფ. პრიუტი დაიკავა, მაგრამ თავიანთი ძალებით ეს ადგილები ვერ დაიმაგრეს და იძულებული გახდნენ უკან დახებიათ და ქაქუცას შეერთებოდნენ. ქაქუცა „დამკომის“ რჩევით თბილისზე შეტევას ერიდებოდა. 30 აგვისტოს კავთისხევში გადავიდა, სადაც მას რუსის ჯარი დაპხვდა. ბრძოლას მოერიდა და შებინდებისას მტკვრის იქით გადავიდა. ქაქუცა დარწმუნდა, რომ „დამკომი“ ხელს უშლიდა და მოქმედების საშუალებას არ აძლევდა. ამის გამო მან „დამკომი“ შიო-მღვიმის მონასტერში დატოვა, სადარაჯოდ ორი რაზმი დაუნიშნა და თითონ თავისი რაზმით დუშეთი-საკენ წავიდა. ქაქუცასთან დარჩა „დამკომის“ ორი წევრი—შალვა



ამირაჯიბი და გენ. ჭავჭავაძე. ბრძოლით დუშეთი აიღეს, შევიღნენ ზემო-კახეთში, აქედან გადავიდნენ ყარაიაზში და ამოვიდნენ ბრძოლის ლოში. შემდეგ დაწყო თბილისის ირგვლივ დაზერა, რომ გაეგო, შეიძლებოდა თუ არა თბილისის გარედან აღება, მაგრამ უკვე გვიან და იყო: ხელისუფლებამ ყველან ზომები მიიღო და ბრძოლის გა-გრძელება უაზრო ხდებოდა. ქაქუცამ მდგომარეობის გამოსარტვევად შალვა ამირაჯიბი თბილისში გაგზავნა. სამი კვირა ელოდდა თბილი-სიდან ცნობებს. კავშირის გაბმა გაძნელდა. ბოლოს, როგორც იყო, გაიგო ქართველი ხალხის დამარცხება. გულ-ჩათუთქულმა დასტოვა თავისი სამშობლო მიწა-წყალი და თავები რაზმის ერთი ნაწილით გა-დავიდა ოსმალეთში და იქიდან, ოქტომბრის დამლევს, საფრანგეთში.

სამი წლის განმავლობაში შიშველ-ტიტველმა, მშიერ-მწყურვალმა ქაიხოსრო ჩოლოყაშვილმა პირნათლად შეასრულა თავისი მოვალეო-ბა საშშობლოს წინაშე.

ქართველი ერი ამაყობს მისი სახელით.

20.

დასავლეთ-საქართველოთში აჯანყების ინიციატივა ხალხის ხელში იყო; მთელი რაიონები მეამბოხეთა ხელში გადავიდა. რუსების წარმო-მადგენლები დაატუსასლეს, მაგრამ ბრძოლის გალრმავება ვერ მოახერ-ხეს. მაგალითად, გურიაში აჯანყებულთა ხელში იყო ხილის-თავი, ნა-გომარი, საჯავახო და სხვა. გენ. ყარალაშვილის დაჭერის შემდეგ ბრძოლებს მეთაურობდნენ გასული რაზმელების უფროსები: ს. მა-თითაშვილი, თ. მუხარაშვილი და პ. ჭანუყვაძე. ორი დღის შემდეგ: 31 აგვისტოს, მთელი გურიაში მ. ოზურგეთზე იერიშით მივიღა. ოზურ-გეთი გამაგრებული დახვდათ ბათუმიდან და სამტრიდიდან ჩასული რუსის ჯარით. უთანასწორო ბრძოლაში აჯანყებულნი იძულებულნი გახდნენ, უკნ დაეხიათ. 2 სექტემბერს რუსის ჯარმა ქართველებს ალყა შემოარტყა. მეამბოხებმა ალყა გაარღვიერა, ტყეში ავიტნენ და მთებში გაიფანტნენ; ზოგი მათგანი რაოდენის ხნის შეძლებ, საზღვარ-გარეთ გადავიდნენ.

მთელი სამეგრელო და სეანეთი მეამბოხეთა ხელში იყო. სამეგრე-

ლოში მოძრაობას, გენ. თოფურის შემდეგ, სათავეში ჩაუდგა ტოტშ-დავით მხეიძე. პოლიტიკურ ხელმძღვანელად დანიშნული იყო ერთობენ დემოკრატიული კალვინისტები. 29 აგვისტოს დ. მხეიძემ და 17 ახორციელად ეროვნული დემოკრატიული კალვინისტები. „ჩეკა“ განიარღეს, ციხილან ხალხი გაანთვისუფლეს და შეიარაღეს. შეიარაღებულმა ხალხმა რუსებს ბრძოლა დაუწყო სამტრედისა და ფოთის მიმართულებით. რამდენიმე დღე მთელი სამეგრელო ხალხს ხელში იყო. ბრძოლაში დ. მხეიძე რუსებმა დასჭრეს. ამ შემთხვევით მტერმა ისარგებლა და დიდი ძალით გამოსული ხალხი დაამარცხა. მეამბოხენი იძულებული გახდნენ, უკან დაეხიათ და მთებში შეფარებულიყვნენ, ზოგი მათგანი კი სვანეთში გასულ ხალხს შეუერთდა.

სვანეთში გამოსულ ხალხს ხელმძღვანელობდა პოლკ. გარდაფხაძე, ერ-დემოკ. ბიძინა პირველი, კაპ. ჭიჭინაძე და სხვა. 29 აგვისტოს სვანეთი მთლად ხალხის ხელში გადავიდა. 30 აგვისტოს 500 კაცი ქუთაისს მიადგა. ქ. ქუთაისი რუსების მიერ უკვე გამაგრებული დახვდა და რაზმი იძულებული გახდა რამდენიმე ბრძოლის შემდეგ უკან სვანეთისკენ დაეხია. სამი კვირა დასჭირდათ რუსებს სვანეთის დასამორჩილებლად.

შორაპნის მაზრაში პოლიტიკურ ხელმძღვანელად დანიშნული იყო დ. გაბუნია. მის თანაშემწევებად იყვნენ სტუდენტები: დ. ახვლედანი. ალ. აბაშიძე და ხუზა ქოჩაკიძე. 29 აგვისტოს ამათ თავიანთი რაზმით დაიკავეს ქ. ჩხარი, რომელიც რამდენჯერმე ხელიდან ხელში გადადიოდა, მაგრამ საბოლოოდ რუსმა დასძლია და გამოსული ხალხი ზოგი დანებდა, ზოგმა კი თავი მთაში შეაფარა. საერთოდ დასავლეთ საქართველოში ხალხმა და მათ მეთაურებმა თავიანთი ამოცანები კარგად შეასრულეს და ახალ დირექტორებს თბილისიდან „დამკომისაგან“ ელოდებოდნენ.

„დამკომის“ ფაქტოურად არ შეეძლო რამე განკარგულება მიეცა პროვინციებისათვის, რადგანაც კავშირები გაწყვეტილი იყო. თვით თბილისთანაც კი კავშირი შეწყვეტილი იყო. 1, 2, 3 სექტემბერში საშინელი მდგომარეობა შეიქმნა: „ჩეკიდან“ და „მეტების ციხილან ასობით გამოჰყავდათ ხალხი და საბურთალოზე ხერეტდნენ. ხალხი მოთმინებას ჰყარგვდა. 2 სექტემბერს ეროვნული დემოკ. სამხედრო სტუდენტთა ორგანიზაციამ გამომიგზავნა სამი წარმომადგენელი,—მთხოვეს,

ჩომ ხელისუფლების ტეროოზე ტერორიზმე გვეპასუხა. აშისათვის მთელი ორგანიზაცია, რომელიც შეადგენდა 40 ათეულს, მზად იყო და ელოდებოდა ხელმძღვანელების განკარგულებას. თბილისის გაერთიანებულ ორგანომ არ გაიზიარა ეს წინადაღება. შექმნილ პირობებში ყოველგვარი აქტიობა უაზროდ ჩათვალა. ახალგაზრდობა იძულებული გახდა, დამორჩილებოდა უფროსების დადგენილებას. ბევრი მათგანი მაინც ვერ ასცდა დახვრეტასა და გადასახლებას.

4 სექტემბერს მცხეთის მიდამოებში დაიჭირეს კოტე ანდრონიკაშვილი და იასონ ჯაგახიშვილი; უკანასკნელი ფეხში დასჭრეს ჩეკისტებმა. 5 სექტემბერს ორივე აიძულეს, ხალხისათვის მიემართათ, რომ აჯანყება დამარცხებულია და გასულ რაზმებს სთხოვეს, იარაღი აუყარათ და ხელისუფლებას დამორჩილებოდნენ, წინააღმდეგ შემთხვევაში უპირებდნენ კიდევ ათასობით ხალხის დახვრეტას. ეს ფურცლები ხელისუფლებამ სწრაფად თვითმფრინავით მაზრებში გაავრცელა, რამაც, რა თქმა უნდა, გასულ რაზმებზე შთაბეჭდილება მოახდინა, ძეამბოხეთა მოქმედება შეანელა და ბევრმა მათგანმა მორჩილებაც გამოაცხადა. აქაც რუსშა რუსობა გამოიჩინა: „შერიგებული ხალხი თანამდებობის მოაშორა, „ჩეკაში“ ჩაყარა, საიდანაც ჰოგს საბურთალოზე ხვრეტდა და ზოგს კი შორი გზით კიმშირში და სოლოვკაში აგზავნიდა.

ჭიათურის მეამბოხენი შეირიგა, იარაღ-აყრილი ხალხი თბილისში გასაგზავნად საქონლის მატარებელში ჩაყარა. შუა-გზაში გააჩარეს და დაკეტილ ვაგონებში ხალხი ტყვიისმფრქვეველებით ამოულიტეს.

21.

მიუხედავად ასეთი სასტიკი ზომებისა, ხელისუფლებამ ქართველი ხალხი მაინც ვერ გასტეხა. ამის დამამტკიცებელია შემდეგი რამოდენიმე შესანიშნავი მაგალითი: ერთი ჩემი ნაცნობი გენერალი ბევრი წვალების შემდეგ ციხიდან გამოუშვეს. გამოშვებისას მისმა დამინაულა და შეეკითხა მის თავგადასავალზე. გენერალმა უამბო: „ჩეკამ“ დაკითხვაზე სამი კითხვა დამისვა და გამაფრთხილა, რომ იმ სამ კითხვაზე მიცემულ პასუხზე იქნებოდა დამოკიდებული ჩემი სიცოცხლე.

1. თქვენ ყოფილი თავისდი ხართ? — დიალ.
2. თქვენ ყოფილი გენერალი ხართ? — დიალ.
3. გქონდათ თუ არა იმედი აჯანყების გამარჯვებისა? — როცა ქართველი ხალხს თავისი ეროვნული მთავრობა და ჯარი ჰყავდა, მაშინ არ მჯეროდა, რომ დიდანს შეინარჩუნებდა საქართველო დამოუკიდებლობას და ეხლა, ამნაირ პირობებში მომზადებული აჯანყებისა, რა იმედი უნდა მქონოდა?!—ვუპასუხე მე.

— კარგად გიპასუხია; სხვანარიად როგორ უნდა გეპასუხა? — უთხრა დამ.

გენერალი სკამიდან წამოხტა, მაგილაზე ხელი დაჰკრა და დაიწყო ყვირილი:

— სიკვდილისა შემეშინდა!.. მე, უძსგავსმა ბებერმა, ვიცრუე! მართალია, მაშინ არა მჯეროდა თავისუფალი ქართველი ერის ხანგრძლივი არსებობა, რადგანაც ეხდავდი, რომ უმრავლესობას ჯერკიდევ არ ესმოდა შინაარსი მობოვებული ბედნიერებისა, ეხლა კი, როცა ერმა გამოიღვიძა და შეიგნო, თუ რა დაჰკარგა და რა გულმოდგინედ მუშაობდა მისი აღღენისათვის, ამისი მე მჯეროდა. მჯეროდა, რომ ქართველი ხალხი გაიმარჯვებდა; ამას ვცემდი პატივს, ამით ვცოცხლობდი! „ჩეკის“ წინ კი შემეშინდა, ერ გავბედე, რუსებისათვის პირში მიმეხალა, რომ აჯანყება მწამდა და გამარჯვების იმედიც დიდი მქონდა. ამ რწმენით, როგორც მამა, მეც უნდა გავყოლოდი იმ ახალგაზრდა ყმაწვილებს, რომლებიც ცახიდან დასახვრეტად გაჰყავდათ და უკანასკნელ წუთამდე „გაუმარჯოს ჩენს სამშობლოს“ გაჰყირობდნ... მე კი ვიტყუე ჩემი სინიდისის წინაშე, ჩემი საქციელი მოსვენებას არ მაძლევს და გიურით თბილისის ქუჩებს უკვლი...

ჭიათურის დახვრეტილთა შორის ორი ქმა იყო. თბილისში მათ დედასთან მივიდნენ მეგობრები სამძიმრის სათქმელად. დედა მათ უცრუმლოდ მიესალმა და გამოუტადა გაკვირვებულ მოსამძიმრებს: სამგლოვიარო არა მაქვს რა; მე ვაძაყობ, რომ ჩემმა შვილებმა სამშობლოს თავი შესწირეს; მარტო მისი დატანჯული სახე ამტკიცებდა, როგორი დიდი მსხვერპლი გაიღო მისმა გულზ.

გურიიდან მასწავლებელი ქალი ჩამოვიდა, დაწვრილებით აღწერა იქაური მოძრაობის ამბები. ბოლოს ჩემი მეგობარი შეეკითხა (მე მეორე ოთახში ვიმალებოდი): ალბათ ხალხს გული გაუტყდა აჯანყების

დამარცხების გაში! — რაა პრძანებთ! ? მთელი გურია იმას გაიძახის, — ერთი კვირა ხომ მაინც თავისუფლად ამოვისუნთქეთო, რა ცუკოო, რომ პირველი აჯანყება სუსტი გამოდგაო! ..
ამნაირი მაგალითები ბევრი იყო.

22.

ასე დამთავრდა 1924 წ. აჯანყება. წინასწარი მუშაობა მშვენივარდ იყო მოწყობილი, მოქმედება კი უცრებისად ჩატარდა. „დამკომმა“ სამაგალითოდ შეასრულა ტეხნიკური მხარე აჯანყების მომზადებისა, მაგრამ აჯანყებას კი ხელმძღვანელობა სრულებით ვერ გაუწია. რატომ? — იმიტომ, რომ შეთაურთა შორის არავინ გამოჩნდა ისეთი ძლიერი პიროვნება რომელიც შესძლებდა მოქმედების ინიციატივა გამოეჩინა და მოძრაობისათვის გაბედულათ ეხელმძღვანელია. ამის მიზეზი თვით „დამკომის“ ორგანიზაციის შინაწყობაში უნდა ვეძებოთ. მეცხრამეტე საუკუნეში საქართველოში მომხდარი აჯანყებები დამარცხდნენ, რადგან აჯანყებას კუთხური ხსიათი ჰქონდა. რუსის მთავრობას ასეთი ამბოხების ჩაქრობა ეადვილებოდა.

მეოცე საუკუნეში საქართველო უკვე გაერთიანებული იყო, მაგრამ ხალხის მთლიანობას ასუსტებდნენ და ორლვევდნენ არსებული სხვა და სხვა პოლიტიკური პარტიები — დაარსებული ერთი მეორეს საწინააღმდეგოდ, აგებული დოქტრინებზე, კლასთა ქიშპობაზე და სიძულვილზე.


გადაწყვეტილი იყო ქართული ეროვნული აჯანყების მოწყობა, მაგრამ საერთო მუშაობის დროს ვიწრო პარტიული ინტერესები სჭარბობდნენ საერთო ეროვნულზე, ესლა შორითაან რომ უკვერტები წარსულ ამბავს და იმ წლების გაერთიანებულ პარტიების ორგანოს „დამკომმა“ და მის მიერ მოწყობილ გამოსვლებს, ცხადი ხდება, რომ ეს უკანასკნელი გამარჯვებით ვერ დამთავრდებოდნენ, რადგან „დამკომში“ მონაწილე პოლიტიკურ პარტიებს თავიანთ ხელშეკრულებაში ჰქონდათ მიღებული ერთი მუხლი, რომელიც „დამკომის“ ძოქმედებას წინასწარ აქარწყლებდა: ამ მუხლის ძალით ყველა საკითხი ჯერ პარტიაში სწყდებოდა და შემდეგ „დამკომში“ გადაჰქონ-

დათ და, თუ აქ ვერ შეთანხმდებოდნენ, საკითხი ისევ პარტიებში გამოიყენებოდა. ასე გრძელდებოდა, სანამ მისალებ ფორმულას არ გამონახავდნენ. ამნაირი მუშაობა მუდამ დროს დაკარგვას იწვევდა და ხშირად მოქმედებისათვის ძვირფას მომენტს ხელიდგან უშვებდით. რასაც ვირველია, ამ საფუძველზე შედგენილი საერთო ორგანო თავის მიზანს და გეგმას ვერ განახორციელებდა. მაგალითად, დუშეთ-ხევსურეთის აჯანყებაში, 1922 წ. აგვისტოში მომხდარს, როცა რუსის ძალები საქართველოში სუსტი იყო, სოც.-დემოკ. პარტიამ გადასწყვიტა აჯანყებაში მონაწილეობა არ მიეღო, იმ დროს, როცა „დამკომიც“ და „სამხედრო ცენტრიც“ უკვე ჩათრეული იყო ამ მოძრაობაში, ეროვ.-დემოკ. პარტია კი ძალას ატანდა „დამკომსაც“ და „სამხედრო ცენტრსაც“, რომ მათ აჯანყებაში მონაწილეობა მიეღოთ. ამავე დროს საზღვარგარეთის სოც.-დამოკ. ორგანიზაციიდან „დამკომს“ მოსდიოდა სამხედრო შინაარსის დირექტივები. რომელნიც ხშირად „ჩეკას“ უვარდებოდა ხელში და „დამკომის“ დავალებულ მუშაობაში აგრეთვე უთანხმოება შეჰქმნდათ.

ამგვარად „დამკომი“, ვითომდა ალჭურვილი სრული ნდობით და უფლებებით, მოქმედებაში ხელ-ფეხ შეკრული იყო.

აჯანყების საქმეს კიდევ ერთი მნიშვნელოვნი ნაკლი ასუსტებდა: — ყველა პოლიტიკური პარტიების მიერ პრინციპში მიღებული იყო აჯანყების მოწყობა. მაშასადამე მის მოწყობაში ბუნებრივად ატრიუ-რი პირები უნდა ყოფილიყვნენ. ჩეკნ მუშაობაში კი ზოგი ერთი, რო-მელიც აჯანყების წინააღმდეგ იღაუქრებოდნენ, „დამკომის“ შემად-გენელ პოლიტიკურ პარტიებში დიდ როლს თამაშობდნენ, და მათი პასიობა გავლენას ახდენდა და ხალხს წინასწარ გამარჯვების იმედს უკარგავდა. თვით აჯანყების ხანაში ამას იმდენად ნაკლებ ანგარიშს უწევდნენ, რომ მაგალითად, „დამკომმა“ აჯანყებისათვის გურიაში გაგზავნა თავის წარმომადგენლად ისეთი კაცი, რომელიც მთელი თა-ვის შეგნებით არ იზიარებდა აჯანყებას და უფრო გასაოცარი ის იყო, რომ ეს წარმომადგენელი ტყეში საბრძოლველად გასულ ხალხს უქა-დაგებდა აჯანყების უაზრობას (ლოლობერიძე — ბრძოლა სამშობლო-სათვის გვ. 96).

მოთხრობილი მარცხის ამბები, რომელნიც თან სდევდნენ მომხდარ აჯანყებებს, იძლევიან თავის პირუთვნელ დასკვნებს.



საქართველოს თავისუფლების აღდგენის ბრძოლა თავდამსრველად მოითხოვს ქართველი ხალხის ეროვნულ-პოლიტიკურ შტკიცე ერთობის დაცვას. საქართველოს ეროვნული იდეალი უნდა ჰქონავდეს ყველა ვიწრო პარტიულ ინტერესებს. არც კუთხური, არც წოდებრივი, არც კლასობრივი დაყოფა ეროვნულად მთლიან საქართველოსი. ყოველმა ქართველმა, რომელ წრესა და მიმართულებას ის არ ეკუთვნოდეს, უნდა თავისი პარტიული დროშა დაკეცის და ეროვნული დროშის ირგვლივ თავი მოიყაროს ერთი მიზნით, ერთი შეგნებით — საქართველოს თავისუფლების აღსაღენად.

მაგრამ არ შეიძლება მომავალი საქართველო ავაშენოთ თუ მის წარსულ ისტორიას არ მოვექეცით ფაქიზათ, პატივისცემით, სიყვარულით.

არ შეიძლება საქართველოს განთავისუფლების ბრძოლაზე ვილაპარაკოთ, თუ არ გავიხსენებთ სამშობლოსათვის თავდადებულებს, მისთვის მსხვერპლად შეწირულებს, მათ საფლავებს არ გავიხდით წმინდათა-წმინდას და მათ ეროვნულ მიზანს არ დავისახავთ ჩვენს იდეალად.

სტამბა არჩილ მეტრეველისა მიუნხენში.

